

明治  
新刻

# 國史略

石村貞一編輯

六

11

53口

## 卷之六 目次

光格天皇  
仁孝天皇  
孝明天皇

大日本教育會館			
室		第	
三	二	七	國
七	五	三	架
冊	號	架	國



# 始





特31

S17

53 日

國史略卷之六

長門

石村貞一 編輯

紀元二十四  
百三十九年  
己亥歲踐祚

光格天皇諱兼仁東山帝曾孫典仁親王第六子後桃

園帝之再從弟母成子內親王中御門天皇女明和

八年八月十五日生於閑院殿稱祐宮近代帝王系譜親王系圖

至是繼大統時年九歲以關白尚實為攝政散狀留公卿補

任初先帝之疾也上皇以其無子與准后內前謀欲

迎崇光皇裔伏見貞敬有故不果及崩關白尚實奉

遺詔迎帝立之十三朝紀聞○安永九年庚子夏六月霖雨

安永八年  
十一月廿  
五日踐祚

國史略卷之六

光格

高卷書藏版

寒如冬。續王代一覽○秋八月。將軍家治陞右大臣。○冬

十二月。攝政尚實為太政大臣。公卿補任○是歲。京師婦

女始用涼傘。古來民間婦女無都鄙冒管笠。至是其

俗廢。尋男子亦用之。十三朝紀聞○天明元年。辛丑春正月。

帝元服。太政大臣尚實加冠。左大臣輔平理髮。公卿補任

○夏五月。帝始讀書。一本皇胤紹運續錄○將軍家治養大納

言治濟子豐千代為嗣。更名家齊。○二年。壬寅春三月。

德川家齊為權大納言。叙從二位。續王代一覽○秋七月。

關東地震。相摸最甚。函根山崩。小田原城壞。○八月。

江戶海溢。十三朝紀聞○是歲。群書類聚成六百三十五

天明元年

安永十年

四月六日

改元

大納言一  
橋治濟

關東地震

群書類聚成

東奧大饑

卷。檢校塙保已一之所輯。著書之廣大。古來無比云。

和漢年契○三年。癸卯夏五月。上野草津溫泉暴熱。浴人爛

死。雨夜生燄。○六月。諸國大水。寒如冬。人咸服綿衣。

○秋七月。上野信濃地大震。淺間嶽及草津山火。時

熱泥沸湧。利根川溢。漂沒三十五村。是日。江戶雨灰

如雪。續王代一覽○八月。東國饑。南部尤甚。斗米直二千

五百錢。餓孳相望。先是。京都祇園祭。棄餒餒于街衢。

古老曰。是凶歉之兆也。果如其言。經濟問答秘錄○四年。甲辰

春三月。家治奏呈穀千石於閑院親王。以終其世。親

王帝生父也。十三朝紀聞○佐野政言殺田沼意知於城

佐野政言殺田沼意知

善左衛門  
政言  
山城守意  
知

中意知為少老恃權虐下嘗借政言家譜而不返蓋  
欲裝飾已家譜也政言忿恨遂害之坐賜死年二十  
八政言妻青山氏有姿容閑於婦道政言豫憐罪及  
家累託事決絕其妻不知罪歸父悲哀及聞政言死  
亦自刃而死其父不哭曰真吾女也世人義政言就  
其墓拜者絡繹不絕翁○夏五月天下饑家治發穀  
以賑之○是歲伊達重村鑄方鐵錢行之其部內文  
曰仙臺通寶○五年己春二月攝政尚實為關白○  
秋九月琉球大饑將軍家治貸米萬苞金萬兩於島  
津重豪以賑之○六年丙春二月帝親製國詩以賀

重村鑄方鐵錢  
陸奥守重  
村  
琉球飢  
薩摩守重  
豪

將軍家治薨

主殿頭意  
次

家治壽五十召閑院伏見二親王及關白尚實等各  
賦寄鶴祝以賜家治慶弘紀聞○秋七月關東大水江戶  
諸川溢街頭水六七尺橋皆墜唯兩國橋存而已風也  
集○九月將軍家治薨年五十冬十月葬於寬永寺  
諡曰俊明院詔贈太政大臣正一位明政間記○幕府削  
田沼意次封二萬七千石尋卒年六十初意次歷仕  
二世甚得寵幸為老中奢侈聚斂無所忌憚嘗謂方  
今之世不可令人主近儒生讀書苟知古今之成敗  
得失我輩失勢今殿下幸好畫足以消日於是薦畫  
工榮川養川永德等比官醫班日侍家治側又令近

國史各有一反

卷之二

三

高松樓藏版

鷹司輔平

臣一切莫聞外間之事。有山村良旺者，深慨之，嘗竊告家治，以三河後風土記之事。家治欲見之，良旺乃每宿直懷書，侍讀其前。家治大悅，更服拱手而聽之。曰：不圖世有如此書也。意次聞之，不憚俄出，良旺補外官。於是近臣皆柑口，雖有水旱飢饉，家治不復知之。事無大小，取決意次。是秋，家治因病稍知其不臣，意次不自安，稱疾辭職。時列侯婚意次者，恐累連罹殃，放還養子，訣別妻婦。家治遺命，祔封意次。意知之，父也。續王代一覽翁艸 ○冬十一月朔，日南至，詔修旬節。散狀

雷 ○七年丁未春三月，尚實辭關白。左大臣輔平為關

家齊為將軍

越中守定信

寵助意明  
美濃守長備  
毀相良城  
河內守正甫  
伯耆守正溫

白亮信記 ○權大納言家齊為征夷大將軍，遷內大臣。時年十五。柳督譜畧 ○夏五月，大阪、江戶、神奈川、小田原、林田、熊本皆饑，民蜂起，侵掠豪富。家齊遣吏鎮之。翁艸

○六月，諸國大饑，飢民集於闕下，祈穀價賤。風也集 ○松平定信為老中，舉吉宗，政省冗費，修武備，禁靡衣。峻宇張妓樂，厚問遺，天下想望其風采。續王代一覽 ○冬十二月，家齊賜一萬石田，沼意明承祖父意次後，遺岡部長備收其相良城，使井上正甫、本多正溫、西尾忠移毀之，各有所分。正甫、正溫月餘不奏功，忠移獨購求漁網，懸之樓櫓，以轆轤引而倒之，一日而畢。家

隱岐守忠

大內災

紀伊守信道

齊賞其機敏。讓正甫正溫遲緩。十三朝紀聞 ○八年申春正月。大內災。帝奉神器避火於下加茂。即夜幸聖護院。上皇幸昭高院。以為行宮。近畿諸侯馳集。而龜山城主松平信道先至。奉護鳳輦。及行宮之定。救准四位侍從。一本續王代一覽 ○二條城番屬石川甚四郎議曰。速發倉賑都下人。城番曰。請江戶而後發。甚四郎曰。歲歉且災。民之迫饑餒。何待教命之有。其擅發之罪。請吾獨當之。遂發穀以賑之家。齊聞之。擢甚四郎為大目付。十三朝紀聞 ○三月。敕前左大辨光世進古宮制度。光世據醍醐理性院所藏圖更製圖以進。乃詔家

造大內

和泉守政彌

寬政元年

天明九年  
五月十一日  
改元續  
王代一覽  
作正月廿五日  
蝦夷為亂

齊造大內家齊課諸侯助役。命松平定信監功。續王代一覽 ○夏四月。流大阪代官青木楠五郎。楠五郎在職數十年。賊財至巨。萬故黜之。○五月。收小堀政彌封放之。小田原政彌為伏見奉行。奪婦女。殺無辜。淫酗肆虐。靡攸弗暨。民訴之江戶。乃奪職。詰其罪。時人稱快。十三朝紀聞 ○秋九月。家齊課五萬石以上諸侯築宮垣。明政間記 ○寬政元年。己酉春正月。帝在行宮。停三節會。亮信 ○大赦。復今年徭之半。卿翁 ○夏五月。蝦夷酋長月野柄殺松前監吏及南部商九十餘人。初商人等請松前開市於俱奈尻。賣酒米烟艸。賂監

志摩守道廣

筑後守金時

置豫備倉  
青倚門院崩

吏以網市利夷民忿恨。月野柄乃將五百人夜襲市場。虜之家齊聞之。命松前道廣討之。其將見次等率兵艦三十隻先發。未至。賊皆逃亡。○秋七月。定諸國娼戶。嚴禁土妓。○京師町奉行池田金時任滿。歸江戶。金時豪邁明決。每言罰一誠衆吾之律也。大災後稟貸九衢。米價漸低。而奸商等相謀不低價。金時察其有奸。微服出沽米。及其俯而升之。直拔刀斬之。諸商驚駭。米價頓賤。十三朝紀聞○九月。家齊令諸侯各置豫備倉。每秩萬石。積粟五十石。太平年表○二年。庚春正月。青倚門院崩。年七十五。葬於泉涌寺。門院甚信佛。

大內成

主膳正久  
通 陸奧守宗  
村 希文字子  
郁號晉齋  
通稱喜右  
衛門京都人

法親寫大般若經六百卷。二十餘年而成。光明檀林以後所不有也。亮信記○三月。詔曰。頻年五穀不登。加以災變。下民困窮。群臣諸司。勤儉以事一人。貢獻贈遺。勿用華麗之品。卿○秋八月。大內成。天明造營地繪圖○九月。修安鎮法於新宮。○冬十月。帝及上皇徙御新宮。縱民觀儀。亮壽記○家齊賜名刀於松平定信。柳生久通。池田金時等。以慰造宮之勞。○伊達宗村。從儒臣田邊希文。巡視封內。宿某邑。是夜希文夢。嬰兒數十來牽衣裾。覺而後。聞其父老言。乃謂此邑習俗。生女不舉。恐其成長之後。費資粧也。於是告其狀於宗。

減外船商額

一條輝良  
始置醫學館

村即日下令嚴禁其事。且定每生女給米一石錢五百之制。邑民至今受其惠。先哲叢談○是歲家齊減外船商額。先是清限十二隻。荷蘭二隻。給銅百萬斤。至是清減一隻。荷蘭一隻。給銅六十萬斤。更定五歲一貢之期。十三朝紀聞○二年辛亥秋八月。輔平辭關白。左大臣輝良為關白。亮壽記○冬十月。家齊始置醫學館。令多紀安長管之。明和中。多紀安元私集子弟講醫書。至是建為公館。賜二百金供費用。安長安元曾孫也。大平年表○四年壬子夏四月。肥前島原地熱。人艱行步。是夜山上發火。熱水涌海亦溢。漂沒民舍。溺死者五萬人。

聖堂始設試料

中山大納言至  
江戶議尊號

前大納言  
愛親  
前大納言  
公明  
相摸守正  
時

北窓瑣談○秋九月。家齊始試料於湯島學問所。使塵泥記。○五年癸丑春二月。傳奏中山愛親。四歲一試。十三朝紀聞○五年癸丑春二月。傳奏中山愛親。正親町公明。至江戶議上尊號。初天皇欲尊典仁親王為太上天皇。有東人亦陰翼讚之者。蓋謂事成則迎一橋治濟稱大御所也。大令將發所司代堀田正時。密告之。老中定信。定信大愕。召儒官柴野邦彥。諮詢之。邦彥執歐陽修議。濮安懿王疏以對焉。定信乃召愛親等。阻格朝議。愛親等抗論甚力。定信竟不聽。是日治濟竊登城。潛居簾內。密聽諍論。始喜懼相半。



林子平歿

兩手握汗及兩脚詞屈憤惋作色而去參取中山家記出鱗目草

紙○夏六月林友直歿字子平年五十六仙臺人幼

而機警既長嗜學慷慨有大志好周遊四方健步無

比西窮肥薩東北入蝦夷所過觀古昔英雄戰爭之

跡考其攻守勝敗之所由而尤所注意在乎邊防著

海國兵談三國通覽梓以行世家齊以其論海外事

命燬其書錮之仙臺子平作六無歌端坐一室而沒

魯西亞人來蝦夷

前哲林子平碑銘○秋九月魯西亞人送我漂民來蝦夷乞

互市漂民伊勢白子之船子也天明初駿洋遇颶漂

到魯西亞居十二年而歸續王代一覽○冬十一月家齊

左近將監忠房大學義禮

高山正之歿正之通稱彥九郎

遣石川忠房村上義禮等於蝦夷謝魯人曰此地不

管外國事西陲有長崎者是我國應接之地宜就而

請焉但我邦禁互市久矣徒致國書無為也乃與信

牌遣歸聞紀○是歲高山正之歿字仲繩上野人為入

精悍倜儻好擊劍唱大義跋涉天下鼓舞志士每入

京師先至三條橋上遙望天關跪地振董曰艸莽臣

正之途人恠笑不以為意嘗鞭足利尊氏墓數其罪

惡曰而何物敢害忠良哉皇子虐萬乘之君且言且

鞭慷慨淋漓聲淚共隨其音足感木石西遊到筑前

訪宮川嘉膳一夕自刺腹嘉膳驚問故不答視其已

將軍狩小金原

鷹司政熙

寬政曆成

決死。曰吾告官驗視。子且勿殊。正之曰諾。神色如常。談笑移時。夜半吏來問其所以。不答。又問曰。狂矣。乃執刀自絕其脰而死。人莫知所以死者。高山○七年。乙卯春二月。家齊狩小金原。太平年表○冬十月。關白輝良薨。○十一月。左大臣政熙為關白。亮壽○九年。丁卯春三月。以德川家慶為權大納言。叙從二位。家慶家齊之嗣子。寬政日記○秋八月。築天文臺於二條。詔天文博士安倍泰榮測景改曆。○冬十月。改曆成。更名寬政曆。頒之天下。續王代一覽○紀聞。○是歲。清人來貢。山井鼎等七經孟子考文二百卷。十三朝紀聞○十年。戊午

按驗蝦夷地

攝津守正

豐前守正

志摩守章

廣信濃守忠

國史各卷

卷之二

九

高松藩

秋七月。方廣寺火。安永中雷震。此堂良隅。檐破碎。至是。修補成。復震。良隅遂延燒。門廊時人異之。明政問記○是歲。家齊使近藤守重按蝦夷。守重到擇捉魯西亞。既建其十字柱。於是地守重命木村謙拔十字柱。易以木標。謙執筆大書。大日本惠土呂府魯西亞志圖。南既已如此。回天詩史○十一年。己未春正月。家齊命堀田正敦正毅。撰寬永以來宗支冊。合之寬永系圖。傳名曰寬永重修諸家譜。至文化中。成一千五百卷。十三朝紀○二月。家齊割松前章廣封。以其箱館以東直隸幕府。易以武藏。久良喜地。遺松平忠明。石川忠房。羽

設函館互市場

孝義錄成

大學頭信

柴野栗山

尾藤二洲

享和元年

寬政十三

年二月廿

一日改元

續王代一

覽作二月

五日

政千代周

宗

彈正大筋

太正養於蝦夷。設互市場於箱館。令南部津輕三藩

戌之明政○十二年庚申夏五月。家齊使渡邊胤。大河

內政壽。三橋成方等。戌擇捉十三朝○秋八月。孝義

錄五十卷成。家齊賜時服白銀於林信徵。柴野邦彥。

尾藤良佐。山上藤一。以賞編集之勞。續王代○享和

元年辛酉春三月。家齊使戶川安倫。大河內政長。巡視

蝦夷。太平○夏六月。出羽土寇起。侵山形。上山高畑。

地伊達周宗。上杉治廣。發兵各守國疆。奧羽騷然。踰

月而定。初上杉治憲。英明銳意政治。安永初。召紀德

民用之。悉革弊政。尋建學校。問民疾苦。遍賑給之。弟

治廣

置箱館奉行

安藝守正

養

筑前守安

倫

治廣承後。能繼其志。聲聞四隣。至是農民群起。請其

邦君。倣上杉治云。續王代○秋八月。本居宣長卒。年

七十二。伊勢松坂人。初業醫。後從賀茂真淵。學國書。

著古事記傳。馭戎慨言等。學風大振。好事者。圖像傳

世。後有平田篤胤者。詣宣長。墓矢為弟子。云○二年。

壬春二月。置蝦夷奉行。以羽太正養。戶川安倫充之。

後改為箱館奉行。十三朝○夏六月。畿內近江大水。

淀河決。牧方以西河涸。船自河內通。至十一月。河道

復舊。忠貞○三年癸亥春正月。修紫宸殿。承明門。匾額。

博士賀茂保考書之。一本皇胤○夏六月。諸國麻疹。

文化元年

享和四年

二月廿七

日改元太

平年表作

二月十一

日

魯人送漂民來

乞互市

○文化元年。甲秋九月。魯西亞王遣哈明涅吐等送我漂民來長崎乞互市。不聽。漂民仙臺梢子也。寬政癸丑冬。遇颶於岩城洋。甲寅夏。漂到東北一島。魯西亞東境也。乙卯夏。西南到屋和都加。乘馬經曠野。六月抵伊兒哥都。加留營生業。居八年。國王徵之。乃乘駟西北行五十日。始到國都。王親問欲還本國否。四人請歸。餘皆乞留。於是載之使節船。西航海三十餘日。經諸厄利亞。荷蘭國南。走到南亞米利加。又西北折過我東洋。泊加模赫都。加其間小島二十一。其十八屬魯西亞。三屬我。每島相距一二日程。歸到長

蝦夷佛法之始

金四郎景

越中守寧

江戶大火

崎。自魯西亞國都至此。水路凡一萬二千里。是為我邦一。周海之始。環海○是冬。家齊建等澍院。國泰寺善光寺。三利于蝦夷。弘天台禪淨土三宗。蝦夷佛法始于此。寺社奉行○二年。乙丑春二月。家齊遣遠山景晉於長崎。賜米百苞。鹽千苞。及綿薪水於魯西亞船。謝送來之勞。而不聽其請。環海○夏五月。增津輕寧親封。以其連年精勤於蝦夷地也。○三年。丙寅春三月。江戶大災。侯邸商宅。神祠佛刹。延燒凡二十八萬餘戶。焚死無數。家齊設救恤場於各處。為食賑之。諸侯豪商倣之者多。太平○秋九月。魯西亞船寇樺太。焚

魯人樊隴高柵

志摩守章  
廣  
犯舍那寨

隴高柵執戍卒四人而去。其一人拒格頗健。力竭被執。猶能蹴虜倒數人。有一虜怒聲曰。日本長崎。蓋前年抵長崎。請互市。弗聽。故今陳其怨也。南部大膳大夫屆書○十二月。藩翰譜續編。及系圖備考成。太平年表○四年。丁卯春三月。徙松前章廣於陸奧梁川。松前家譜○夏四月。魯西亞船二隻。寇擇捉。焚名蘭穗柵。禽戍卒。進犯舍那。戍兵力戰。斬虜數人。是夜虜反襲。戍兵敗退。虜乃焚寨。掠器械而去。又泊隴高家齊傳檄東陸諸藩。以備之。○五月。虜抵理井尻。放還樺太俘四人。齎書呈之。其書曰。前後使价所請不聽。故有此舉。儻執前議。則

攝津守正  
敦  
飛彈守忠  
英  
始置松前奉行  
河尻肥後  
守  
村垣淡路  
守  
金之助容  
衆  
猪右衛門  
正容  
監物義雄  
皆川原柴野邦  
彦歿

明年大舉來爭。以力決事耳。○六月。家齊遣少老堀田正敦大目附中川忠英等。巡察蝦夷地。○秋七月。漕米一萬五千石於箱館。以充軍糧。化政日記○冬十月。家齊置松前奉行。以河尻村垣二人充之。使井上左太夫巡視下田浦賀及安房上總海岸。○十二月。命保科容衆伊達周宗發兵六千餘人。戍蝦夷。遣小管正容。村上義雄。監之。虜終不來。明年秋撤戍而歸。太平年表○是歲。皆川原柴野邦彦歿。邦彦字彦輔。號栗山。讚岐人。慨宋學之衰頹。極力起之。名動京師。天明中。幕府召皆川原不起。更辟邦彦為侍講。大得其志。世

改鑄太政大臣印

石見守正倫

英吉利船來泊長崎

圖書頭康英

肥前守齊直

戊東西蝦夷大膳大夫

利敬越中守寧親

推為宋學之中興。愿字伯恭。號淇園。京師人。先哲叢談○

五年。戊辰春二月。改鑄太政大臣印。公卿補任○夏四月。家

齊築煩臺於相模三崎。命岩本正倫督功。○秋八月。

英吉利船一隻來長崎。抄掠民家。遂至官廳乞糧牛

薪水。奉行松平康英飛檄於肥筑二藩。將燒夷之二

國之兵未至。而船既遁去。康英悔其失機。自殺以謝。

○冬十一月。命鍋島齊直屏居。坐其戍卒不知英船

入港也。太平年表○十二月。家齊命南部利敬。津輕寧親

戊東西蝦夷。○六年。己春正月。浙江商船漂泊日向

福島。十三朝紀聞○冬十二月。帝賀上皇壽七十。奏樂於

水戸宰相

小笠原大膳大夫  
脇坂中務太輔

天寬日記成

松平定信著國本論

宮中。年代畧記○七年。庚午冬十一月。德川治紀獻大日本

史於京師。先是奏曰。自予祖先光國撰此書。校補累

世。敢請公大日本史之名。詔許之。至是刻成。納之御

庫。本書序○八年。辛未春三月。朝鮮來聘。呈國書。家齊遣

小笠原忠固。脇坂安董於對馬。受之。返書款克。綏厥

猷四字。來聘書附留○夏五月。魯西亞人伊利古留。至理

井尻。使其兵八人詣泊崎。柵言語不通。戍兵盡執之。

砲擊其船。伊利古留乃卻。十三朝紀聞○冬十月。天寬日

記成。本書序○九年。壬申夏四月。松平定信老。自號樂翁。

定信多才能。文盡力。政務自著。國本論。天明癸卯之

魯國人又來

復石清水臨時祭

災免部內田租放婢妾數十人身衣澣衣食菜羹以賑飢民及其參幕政務修仁政禁奢靡張文教嚴武備天下大治時稱良輔聞其致仕莫弗愛惜者○秋八月伊利古雷再至理并尻使所俘擇捉戍卒與我估客二人上岸請前年我所虜八人不子復擬銃伊利古雷廻船避逃十三朝紀聞○十年癸酉春三月修石清水臨時祭是典廢者數百年至是復之公卿補任散狀雷○夏五月伊利古雷復來上書曰往歲犯擇捉樺太等者皆屬國加模赭都加無賴少年所為而非吾王所知也王今既罰之禁其赴貴國使臣等謝之敢乞大

伊賀守貞勝

伊利古雷獻謝書

一條關白

復加茂臨時祭

大膳太夫忠固

國察我無佗以賜疇昔所拘八卒松前奉行服部貞勝報曰獻嚮所掠器械及謝入犯書則聽之伊利古雷大喜回船秋九月詣箱館獻謝書還器械我乃歸八虜伊利古雷獻物謝恩卻而不納賜糧及薪水遣歸○十一年甲戌夏諸國旱○秋七月始雨十三朝紀聞○九月關白政熙罷左大臣忠良代之公卿補任○冬十一月復加茂臨時祭一本皇胤紹運續錄○十二年乙亥秋八月禁錮小倉城主小笠原忠固於其邸老臣小笠原出雲擅權為奸群臣憤怒皆出奔他國忠固不能制至是有此譴太平年表○十三年丙子冬十二月仙洞宮成○十

陽曆十二月十二日崩

帝親試衛士

四年丁丑春三月京師雨雪殺麥苗○天皇禪位於皇太子亮續曰朕若為法皇不肯薙髮皇國人何倣西土風乎某氏賦天保十一年十一月十九日崩壽七十散狀葬後月輪山陵謚光格天皇御年帝性聰明好儒學能和歌尤精典故故正宮殿制復南北祭修廢官數百員脫蹤之後幕府奏請舉帝所欲因修學院每歲幸焉十三朝又嘗新嘗祭之夜儀衛司直環列儼然燈火煌煌偶白衣人直來衝隊蹴燈而去衛士畏服莫敢下手者蓋帝試衛士也明日令詰衛士曰甚矣警備之不慎奉職捉犯曷問其人何如某氏

賦古詩註

紀元二十四百七十七年

丁丑歲三月廿二日踐祚

寬政十二年二月廿一日聖誕

文政元年

文化十五年四月廿二日改元

普門律師

圓通稱懸象院京都人

仁孝天皇諱惠仁光格帝第二皇子也母東京極院藤原氏贈內大臣經逸女文化十四年三月踐祚同十月即位紫宸殿亮續○文政元年戊寅夏四月家齊鑄八銖金款曰二分○五月英吉利船一隻來相模浦賀十三朝○秋八月天文方高橋作左衛門等請禁佛國曆象篇梵曆策進等不聽一書僧圓通所著也寺社奉行○二年己卯夏五月家齊改鑄元字金及四銖金款以艸文○秋大有年斗米價二十錢○三年庚辰秋七月家齊改鑄文字銀以艸文為款十三朝○



高橋作左衛門  
譯外國書獻之

志摩守章  
廣

蒲生秀實著山  
陵志

秀實字君  
臧一字君  
平  
水戶中納  
言齊昭

是歲高橋作左衛門翻譯滿州書及魯西亞書獻之  
 家齊賞賜金二枚。太平年表○四年辛巳冬十一月免松前  
 章廣罪再為松前城主鎮東西蝦夷。大成武鑑○五年壬午  
 春二月家齊為左大臣叙從一位權大納言家慶為  
 內大臣叙正二位。文政日記○夏五月太上天皇幸修學  
 院靈元帝升遐之後頽敗百數十年至是修之。十三朝紀  
 聞○秋八月山陵志成初下野人蒲生秀實有奇節  
 慨朝典墜地徧歷諸國以著之至是刻成。本書序德川  
 齊昭亦慨山陵荒廢圖其修覆欲先修畝傍山漸次  
 及他陵因山陵志辨其方位而其臣桑原信敬祇役

鷹司政通

英吉利船抄掠  
寶島

家齊布攘夷之  
令

于京師途次至畝傍山詢於土人參於舊記且以貝  
 原篤信之說可據始辨山陵志之謬筆之呈齊昭齊  
 昭乃請興山陵之役幕府弗聽。回天詩史○六年癸未春三  
 月忠良辭關白左大臣政通為關白。公卿補任散狀○七  
 年甲申春諸國麻疹○秋七月家齊鑄一銖金文曰一  
 朱○八月英吉利船再抵相之浦賀常之大津上陸  
 遂抵薩之寶島抄掠民家監吏討殺其一人餘皆遁  
 去。太平年表回天詩史○上皇幸修學院觀楓命群臣奏樂或  
 賦詩歌○八年乙酉春三月又觀櫻春秋二幸後以為  
 例。十三朝紀聞○是歲家齊令曰外夷之船至海濱者發

將軍家齊為太政大臣

大風

荷蘭人西以保呂達

砲悉碎之。且漁民竊與夷人貿易於洋中者。一切禁之。文政日記 ○九年。丙戌夏四月。上總土寇群起。抄掠所在。

○五月。江戶盜賊橫行。殺掠路人。家齊命捕之。十三朝紀

○十年。丁亥春二月。家齊為太政大臣。源氏足利氏以來。在軍職。兼太政大臣者。獨家齊而已。化政日記 ○十一年。戊子秋七月。大風水。西海最甚。破屋五萬餘戶。壓死一萬餘人。彦山祠扉。飄至筑後松島山。○冬十一月。越後地大震。十三朝紀聞 ○先是。高橋作左衛門。河邊林右衛門。犯國禁。以輿地圖及刀劍。與蘭人。至是發覺。捕而下獄。寺社奉行所日記 ○十二年。己丑春正月。家齊鑄

天保元年

文政十三

年十二月

十日改元

太平年表

作十二月

十六日

大阪海口築天保山

制定葬及墓碑

近江守正收

一朱銀。文曰以十六換一兩。○三月。江戶大火。十三朝紀

○冬十一月。磔耶蘇徒六人於大阪。太平年表 ○天保元年。庚寅秋七月。京師地大震。後至明年夏止。○是歲。畿內西國之民。詣伊勢神宮者甚衆。沿道豪族。競施輿馬食物。時人號御蔭參。天保日記 ○二年。辛卯春二月。幕府濬安治川。大阪民爭請奉役。浚海口。為一阜。世稱曰天保山。天保山記 ○夏四月。定送葬及墓碑制。禁庶民名死者。以院號及居士。其壯葬儀。請十僧以上。墓碑高踰四尺。寺社奉行所日記 ○銅本多正收。斬其臣伊藤半右衛門等。初正收為長崎奉行也。半右衛門

賴子成歿  
子成通稱  
久太郎

等買妓以為妾相攜以歸至是發覺罪逮正收○三年壬辰夏五月賴襄歿年五十三襄字子成號山陽安藝人嘗有勤王之志著日本政記外史明名分大義大裨益風教○冬十月家齊鑄一銖金元祿中既鑄而廢之至是復之○是歲諸國竹實民飢十三朝紀聞○四年癸巳夏六月奧羽寒如冬禾稼凋落冬飢奧羽最甚天保日記○五年甲午冬十二月家齊貸一萬金于宗義質以賑朝鮮飢且去歲王城災十三朝紀聞○德川齊昭謂老中大久保忠毅曰昔者大猷公戒長崎奉行曰內地戰爭彼此勝負皆一家之幸不幸耳至沒土地

賑朝鮮飢  
對馬守義  
質  
加賀守忠  
毅

德川齊昭議蝦夷開拓

伊豫守源義經

神禹謂夏禹王

人民於夷狄則日本之辱孰大焉雖寸尺以死守之可也夫蝦夷千島本屬我神州之地其加摸沙土加者既出於蝦夷方言則其地亦安知非源豫州所割據而今魯西亞傲然據其地千島之多我僅有久奈志利擇捉二島所失之地何啻一寸一尺豈非千古之憾哉然議者皆謂蝦夷之地瘠鹵不可耕氣候極寒陰霧四塞僅有沿海諸港之可居而其人愚暗柔弱不知禮義得其地不能生穀殖財得其人不能施教為治此信尋常迂腐之論耳誠使偉略雄算如神禹者隨山伐木派水得源直踞其中央大移封內之

民糞其田。耨其野。以鎖其陰霧。變其氣候。則愚者漸智。弱者日強。不出十數年。而宛然為一大國也。必矣。鎮撫之算。不可不講。開拓之策。不可不盡也。忠毅大驚曰。往年幕府以松前家微弱。不能當折衝之任。徙之於梁川。新置松前奉行。從事鎮撫開拓。既而又還之於松前家。今欲嚴其鎖鑰。則有修往年故事耳。然長崎奉行二員。每難其選。而更置松前奉行。恐乏其人。齊昭詰曰。昔者東北海路未通。故外患常在長崎。今蝦夷直與魯西亞為隣。則今日之患在松前。而不在于長崎也。幕府復置松前奉行。鎮之。則社稷之福何

美濃民蜂起

削仙石久利封讚岐守久利  
利播磨守久道  
美濃守政美

加焉。不聽。回天詩史 ○六年。夏四月。美濃民蜂起。襲笠松代官野田斧吉。斧吉走駒野。初村民代助賂斧吉。而修笠松閘。不如舊制。既而川漲閘破。漂沒百餘村。斧吉巡視抵新田。次代助家。村民憤怒及之。家齊召斧吉。命大垣藩捕亂民。磔其首謀者。斧吉遂自殺。三朝紀 ○秋九月。家齊鑄大錢。款曰。天保通寶。背曰。當百。○削仙石久利封。誅其宰仙石左京等。左京慧黠。為久利父。久道所寵。久利兄政美卒。久利為嗣。左京欲殺久利。以曰。子久太代之。與宇野甚助。岩田靜馬謀。鳩久道遣刺客刺久利于江戶邸。以邸吏神谷轉

知之欲以滅口。託國事召之。轉出奔為普化僧。改名友鶯。左京馳人捕之。不得。乃請幕府執之。友鶯就縛。從容懇寃。白左京逆狀。幕府檻致左京等。斬之。梟首于出石。太平年表○七年丙申春三月。老中松平康任以左京姻戚坐罷。家齊徙之於棚倉。井上正春於館林。松平齊厚於濱田。○夏六月。大雨水。寒如冬。人皆服絮衣。○諸國麻疹。十三朝紀聞○秋大飢。東國尤甚。奧羽兩野之民爭赴江戶者。陸續不絕。米穀愈乏。餓殍愈多。回天詩史○八年丁酉春二月。大阪與力大鹽平八郎作亂。與子格之助帥黨與百餘人。樹大幟題救民二字者。

周防守康  
任河內守正  
春右近將監  
齊厚  
諸國大飢  
大鹽後素為亂  
後素字子  
起通稱平  
八郎

大炊頭利位  
山城守良弼  
伊賀守利堅  
一賊名梅田源右衛門  
湊戶美吉屋五郎兵衛  
發巨礮燔市街。將迫東西町奉行廳。城代土井利位及町奉行跡部良弼堀利堅等發兵拒之。城代與力阪本鉉之助執銃挺進。狙擊一賊斷頭貫槍。掀以視之。於是黨與潰散。而未知所在。訛言紛紜。物情騷然。近地諸藩皆遣兵來援。警備益嚴。賊發延燒。凡二萬戶。經兩日夜始燔。既而有告平八郎匿街湊戶者。即遣兵圍之。平八郎父子放火自死。初平八郎為吏。斷妖巫姦髡賊吏之獄。深文嚴酷。遠近不寒而栗。名大著。致仕讀書。教授以居。頗年凶歉。民窮益甚。於是售所藏書。獲金六百兩。以賑卹窮乏一萬人。上書於

大炊頭利位  
山城守良弼  
伊賀守利堅  
一賊名梅田源右衛門  
湊戶美吉屋五郎兵衛

家慶為大將軍

跡部良弼請課治下富豪出錢穀以賑貧民弗聽於是忿懣為此舉大阪一揆錄賊焚記○秋八月家齊辭大將軍內大臣家慶為征夷大將軍兼右大臣續太平年表○九月家慶鑄五兩銀一分銀○是歲京師儒者北小路三郎等設救卹場於三條磧賑飢自春至冬止○九年戊戌春三月江戶西城災家慶課諸侯築之十三朝紀○夏五月甲斐土民蜂起抄掠郡邑焚毀豪族代官西村定太發銃捕之磔巨魁餘皆流竄山田筆記○十年己亥春二月西城成○夏四月家齊移西城續太平年表○十二年辛丑春閏正月二十七日遣左近衛大將藤

復謚法

前將軍家齊薨

越前守忠邦禁奢靡復寬政之舊

原輔熙右近衛權中將藤原實愛等于泉涌寺奉謚上皇曰光格天皇自宇多帝停謚法此典廢者幾六十世至是復之十三朝細聞先是德川齊昭聞大喪贈書關白政通議葬祭復古是以起廢典云回天詩史○前將軍家齊薨年六十九葬寬永寺賜謚曰文恭院續太平年表○二月停諸商結社定米油薪炭鹽醬餅菓販賣法以平物價定婚葬飲膳僕從雜役制禁圖書冊子及兒女所玩泥塑紙鳶總施五彩先是老中水野忠邦慨松平定信政漸廢弛屢下節儉令欲復寬政之舊至是嚴禁奢侈其政煩苛衆心不服天保日記續太平年表

○十三年壬寅夏五月。關白政通為太政大臣。公卿補任散狀

雷○家慶廢一銖銀。○秋九月。詔安倍晴親改曆法。

賜名曰天保曆。日記○冬十月。家慶遣市野茂三郎。

檢諸國田地。既畢。北陸將抵近江。近江民蜂起。襲其

次舍。茂三郎執槍護簿櫃。一人橫奪之。擲中茂三郎。

茂三郎驚怖。遁歸。檢地遂寢。遠藤但馬守屆書○家慶廢文

政乙酉之令。用寬政文化之令。德川齊昭建議曰。封

內民俗愚戇。而漁父鹺丁尤甚。曩布攘夷之令。猶恐

或昵外人於洋中。今廢其令。則貿易之務。決不可防。

請循乙酉之令。以全愚戇之民。回天詩史○家慶申令行

天保曆成

廢乙酉攘夷之令

丹後守正

弘化元年

天保十五年

年十二月

二日改元

荷蘭上言外事

節儉嚴武備。續太平年表○十四年癸卯春二月。見白氣于

未申之交。天文家謂之彗星。加茂保行勘文○三月。海南三

百里許。兵艦見。家慶命稻葉正守等。戍和泉數旬。而

去。日記○弘化元年甲辰春三月。荷蘭人來長崎曰。方

今形勢與西洋諸國不結盟約。為交易。則各國軍艦

將來寇。近世事情○夏五月。家慶幽德川齊昭。禁錮其臣

戶田忠敬。藤田彪。鵜殿忠愛等。○江戶城災。家慶課

諸侯築之。續太平年表○二年乙巳春二月。北亞米利

加船。送陸奧阿波漂民。來浦賀。漂民去冬洋中。遭颶

為彼所救。而歸。大久保因幡守屆書北亞米利加當我萬治寬

米利堅船來浦賀

建學習院

勸解由小路資善

東坊城聽長

陽曆二月廿一日崩

文間。英吉利開之。至安永五年。各部長背英始建國。自號合衆國。奉華盛頓為大統領。因名其都。四裔編年表  
○冬十二月。家慶奉詔建學舍于建春門前。勅賜名學習院。使藤原資善。菅原聰長督之。十三朝紀聞 ○三年。丙春正月廿六日。帝崩。壽四十七。葬弘化陵。諡仁孝天皇。纂輯御系譜 帝性孝謹。好學。能和歌。先帝寢疾也。御女輿。潛出宮視疾。及其崩。舉九百年廢典。奉諡追尊焉。十三朝紀聞

紀元二千五百〇六年丙午歲二月十三日踐祚

孝明天皇諱統仁。仁孝帝第四子也。母新待賢門院藤原氏。贈左大臣實光女。天保二年六月十四日生。稱

米利堅人乞互市

因幡守忠豐

四郎太夫

熙宮。同十一年三月立太子。弘化三年二月踐祚。時年十六。御系譜 ○夏閏五月。北亞米利加船一隻來泊浦賀。船將必氏。茲因奉行大久保忠豐。上書略曰。我國通信支那。吾在華港數月。今將歸國。冀貴國亦許互市。如支那家慶傳命曰。我國古來禁通信互市。且外事委之長崎。勿復入此港。○六月。米艦還去。尋米人漂泊。擇捉明年。令荷蘭送還之。今日抄 ○秋七月。家慶。鋼長崎與力高島四郎太夫。擯罰其他二十餘人。○八月。英吉利艦入琉球。測量近海而去。近世事情 ○四年。丁春三月。信濃地大震。城郭宮室皆崩。續太平年表 ○



飯田忠彥編日本野史

寶劍小狐丸

嘉永元年

弘化五年

二月廿八

日改元

德川廣忠

德川家基

夏六月。飯田忠彥著野史。獻有栖川親王。略曰。恭荷殿下之啓發。得塵乙夜之清覽。一部二百九十一卷。永傳於無窮。以報國恩。積歲志願。一日獲伸。則臣雖死不朽矣。本書序 ○秋九月。天皇即位。紫宸殿。○冬十二月。大和盜發。垂仁天皇陵。又竊布雷祠寶劍。或觀之。關白政通。政通驚曰。此非人間所有者。布雷社寶刀也。命檢之。因事覺。至安政中。磔之。奈良。今日 ○嘉永元年。戊申 秋九月。關白政通辭太政大臣。○冬十月。贈大納言廣忠內大臣家基正一位太政大臣。將軍家慶為左大臣。陛從一位。宣下雷今日抄 ○十二月。北亞米

英吉利艦剽掠下田

伊豆守氏榮

西洋始傳種痘法

荷蘭上言各國形勢

利加人十五名。漂泊蝦夷。幕府命荷蘭送還。荷蘭辭以令亞米利加迎之。○二年。配春三月。米艦來長崎。受漂人去。○家慶帥諸侯及麾下獵于小金原。今日抄 ○夏四月。英吉利船來浦賀。上陸奉行戶田氏榮奉教斥之。歸途剽掠下田。測量山海。韭山代官江川太郎左諭去之。近世事情 ○五月。家慶令諸侯嚴海岸防禦。續太平年表 ○冬十月。藤堂高猷翻刻資治通鑑。本書序 ○是歲。西洋始傳種痘方。○三年。庚戌 夏四月。諸國竹實大如麥。民取食之。今日抄 ○六月。荷蘭上言。印度人欲貿易。日本請之。英國政府見許。米國亦欲來請。互市。

孝女阿米卒  
周防德山人

近代月表○冬十一月。京畿西國飢。一本續太○四年。辛亥  
 春三月。贈和氣清麻呂正一位。賜諡護王神。今日抄  
 五年。壬子春三月。周防孝女阿米卒。年六十二。初米六  
 歲喪母。家素貧。父託米於外舅。傭作自給。後罹疾。召  
 還米佐。生理時年十二。米日為隣里舂。軀小力微。縛  
 石於腰。以舂。夜則紡績。達旦。僅得錢養父。父疾久不  
 瘥。精神昏眊。屢欲投水。米防護不離側。夏不蠲。冬不  
 爐。夜不解帶。女紅所得。躬不費一錢。父所嗜。必買而  
 供之。務承歡心。父雖貧且病。亦怡怡如也。父死而後  
 終不嫁云。阿米傳同碑銘○夏五月。江戶西城火。○魯西亞

魯西亞船來下

田始築砲臺

彦根中將

井伊掃部

頭松平誠丸

典則

下總守松

平忠國

肥後守松

平容保

加賀守齊  
 陸奧守慶  
 邦越中守齊  
 護

船來下田送歸肥前漂民七人。○家慶使潘詰四家  
 成房總築砲臺於大森。○秋八月。荷蘭報長崎曰。米  
 人欲以明年來請貿易。即急之。將有戰。近代月表○是歲  
 土佐漁人萬次。至自米利堅。獻世界計覽。萬國輿地  
 圖等萬次。以天保末漂流。適米國。業釣鯨。居十三年  
 而還。上陳其風俗事情。尋為幕府所登庸。今日抄○六  
 年。癸丑春二月。豆相參遠地大震。函根足柄諸山崩。小  
 田原城壞。續太平年表○家慶再築西城。命前田齊泰。伊  
 達慶邦。細川齊護。毛利慶親。黑田齊溥。蜂須賀齊裕  
 等五十二侯。助役。○夏四月。幕府罪加賀豪商錢屋

大膳大夫  
慶親  
美濃守齊  
博  
阿波守齊  
裕

米使陂理來

齊昭參幕議

五兵衛等收其田八萬五千餘石。海船三十五艘。其  
他財物稱之。初五兵衛設肆于秋田弘前貿易外國。  
又澗宮越沼關田沈毒沼中殺魚使沼上漁人失業。  
事覺并其子磔之。今日抄○六月三日北亞米利加  
公使陂理帥兵艦四艘來浦賀奉行戶田氏榮馳屬  
吏詰之答曰奉使乞互市現齋國書方物請謁貴國  
重臣獻之氏榮飛書報之江戶家慶大驚急令慶親  
齊護齊裕等戍武相房總海岸起德川齊昭參與幕  
議日夜會議城中先是荷蘭報米國來航家慶深祕  
不發至是事出倉卒衆情恟恟既而建館於久里濱

石見守弘  
道  
大學頭燿

使戶田氏榮并戶弘道蒞而受書米使陂理從兵三  
百鼓行而來獻書函及方物數十種且曰請直達大  
君殿下儀畢而出其書略云亞米利加大合衆國大  
統領姓斐謨名美粹達欽差大臣水師提督陂理呈  
書於日本國大君殿下敬請結好互市二事我合衆  
國產黃白金水銀寶玉許多貴國亦多產同之乃相  
往來必有大利益試市或五年或十年而貴國不益則  
宜罷之我商船至支那者時遭颶而破倘有乞貸幸  
其給之其直以銀錢雜貨充焉家慶得書議之乃使  
氏榮答曰事體極大非可輒辦宜以明年來長崎待

報慰諭遣歸使所司代脇阪安宅具狀以奏米國往復書翰

破理日本紀行 ○長崎奉行大澤康哲宗義和上書曰清國

廣西省朱天德稱明帝裔煽動岳州衡州民皆蓄髮

歸之著明代衣冠尊天德為王京師發兵征討不克

大澤上書 ○將軍家慶薨年六十一 勅贈太政大臣諡曰

慎德院尋葬于增上寺權大納言家定繼嗣家定家

慶第三子大成武鑑 ○秋七月魯西亞水師提督布

恬延以兵艦四艘來長崎曰奉本國首宰呈貴邦執

政書願謁上官獻之奉行水野忠篤受之書旨約三

事一則修隣好一則正疆場一則開港互市乃致之

豐後守康哲  
對馬守義和

將軍家慶薨

魯西亞使來

筑後守忠篤

尾張權中納言慶恕

造兵艦築砲臺

許齋火器入江戶

肥前守政憲  
左衛門尉聖謨

江戶 ○八月德川慶恕上書曰宜命荷蘭停雜貨輸

入代以大砲軍艦家定乃從之更命中島三郎造兵

艦鑄巨砲築砲臺于品川釋高島四郎大夫罪屬江

川太郎左衛門授砲術於眾嘉永日記近世事情 ○九月家定

許諸侯作大艦及齋火器入江戶近代月表 ○冬十月家

定遣大目付筒井政憲勘定奉行川路聖謨于長崎

賜答書于魯曰我邦與貴國原靡開衅之端貴國以

好意來我邦何得不以好意相報耶第邊土之經界

貴國以為甚不明晰則諭飭邊藩細加查覈而差大

使與貴國官人會同商議以歸劃一然邊藩之查覈

家定為將軍

因幡守慶  
德薩摩守齊  
彬

必按圖籍確有憑據慎重從事是非今日所能辨也。若夫貿易來往之事則祖宗有勵禁我邦業已固辭。但現今宇內之形勢大變貿易之風日長不可取古例律今事須輿論一定而後報之。魯國往復書簡○十一月詔家定任征夷大將軍補內大臣。宣下雷續太平年表○家定令浦詰四家及毛利慶親細川齊護池田慶政慶德戌相房武總要衝之地。浦賀警衛達○島津齊彬上書幕府曰米艦四隻來琉球那霸港圖寫山嶽測量海洋積載英船所漕石炭前後還去○德川齊昭獻巨煩七十四門于江戶。今日抄○家定又鑄一朱銀。達書留○

安政元年

嘉永七年

十月廿七日改元

陂理復來乞互市

美作守政義

安政元年甲寅春正月十三日陂理帥兵艦七艘復來將入內海番吏追而還之弗肯明日進泊本牧發空砲測海底先是報至江戶幕府急遣林樵等於浦賀應接之而命列藩益護衛京師江戶及諸道要害樵等引見陂理會陂理疾不能出因召副使阿單須曰外船闖入內海國法所固禁宜速回船于浦賀阿單須曰萬里來航曠送時日非所耐也苟獲報命即掛帆去耳猶不得命則請直赴江戶取決否則泊品川以待處分又呈書申之樵等知其不可論以橫濱為接使之地更使林樵及井戶學弘伊澤政義等接見

越中守齊  
護 飛彈守鑑  
寬 德川齊昭建議  
始開三港

破理。破理曰：貴國與弊邦親信日厚，誠兩國民生之福也。顧條約不定，則爭端不息，法度不立，則民心易惑。請今後泊船乞肉菜者，苟納其直，則給之如薪水，亦準之士卒上陸散步，以資攝生，亦允之。測量內海上岸立標，亦勿之禁。漂民告哀者，亦幸撫恤贍給焉。語畢而出。近事紀畧先是德川齊昭建十議以論不可和。水府老公密書至是細川齊護立花鑑寬亦請以手兵擊米艦幕府皆不聽。今日抄○三月三日命林耀井戶學弘伊澤政義等與破理結條約十二條許其泊下田箱館尋許泊長崎政憲聖謨至自長崎聞許破理以三

囚吉田矩方佐  
久間啓下獄  
矩方字義  
卿通稱寅  
二即號松  
陰又二十  
一回猛士  
啓稱修理  
號象山

松太郎稱  
重之助亦

港也。以為與前議相反，上書爭之，不省。尋撤武相房總等，戍兵凡三萬六千餘人。今日抄○執吉田矩方佐久間啓等下獄。矩方長門人，慷慨有氣節，夙憂皇運隆替，欲挽回大勢，就啓學西洋兵法。啓松代藩士也，志合議協，益籌策邊事。既而米魯事起，矩方慨然以為方今急務在游海外，知彼情，遂決航海之志。會魯艦來長崎，因欲赴計事，告別啓，啓察其意，賦詩送之。到則艦已去矣，慊然還江戶，更謀之。啓時米艦在下田，矩方往視之，建言幕府上急務條議必勝策，不果用。乃攜門人澀木松太郎再赴下田，密就米使乞

長門人

大內災

肥前守齊正

荷蘭上書請泊三港許之

與俱航海外弗肯收致之港吏吏按驗得實深嘉其志而以犯國禁并執罪之既而各錮於其藩松陰畧記幽囚

錄近事 ○夏四月大內災天皇奉神器徙桂殿以為行宮勅家定造大內抄今日 ○六月近畿諸國地大震 ○鍋島齊正築砲臺于長崎近海至是竣功家定賜刀賞之近世事情 ○秋七月荷蘭人上書幕府曰聞貴國近待米魯一國較過弊邦弊邦辱貴國眷遇數百年于此固非一國一朝之比而貴國炎涼如此未解也然弊邦非敢望過厚苟以待一國者待之足矣夫魯國之陸梁亦貴國之患也方今其與歐洲構兵佛蘭

英吉利上書乞通市許之

西英吉利皆援土耳其伐之英國現屬予以東征水師不日與諸將發艦顧英國亦傾心貴國行且乞通市貴國苟諒其情則英兵東向之艦下錨貴國諸港乞薪水要糧食恐弗得拒焉敢布腹心咬嚼吧書翰 ○閏月英國水師提督約茂私論幾來長崎上書曰昨午魯國遣使大國約通信貿易吾王聞之曰大國洵君子人而魯國所謂虎狼之秦也頃者魯挾妖教凌暴土耳其土國孱弱不能支梧告急於我吾王發甲碎其艦艘數十殺其將數千將乘其驚魂未定殲之以作京觀於東洋無關大國決非虛言若以其嘗有和

親之約。不忍傍觀。有一彈以爲其後繼。則洩怒於大國。改旗所指。夫魯流涎於差我廉者。于茲有年。竊爲大國寒心。大國其熟慮。通款於大國。不顧體面。而竭區區之意者。欲使大國先得一著於局面也。今英國與大國得立盟結義。爲東西呼應之勢。則魯國形露勢阻。而不得逞其凶虐。以足上報天恩。而下安人心。大國亦可嘯咏於高砂浦舟。而樂太平於萬世矣。英

書翰 ○八月。水野忠篤奉教答蘭英二使曰。曩日魯國通使于我。有所請求。雖未輒許。亦不可遽示絕。今卿等伐魯國。擄我邦。以充軍資。我豈得聽從之。雖然。平

筑後守忠篤

魯艦入攝海  
宋女正寅  
直  
阿波守齊  
裕

魯西亞乞通市  
許之  
肥前守政  
憲  
左衛門尉  
聖謨

心依泊。尋常須需。一如米魯所乞。則何必許於彼。而拒於此。卿等其思之。二使乃奉命。於是長崎之外。更許函館下田。近事紀畧 ○九月。魯艦四隻。樹幟題於呂之也者。闌入攝海。大阪城代土屋寅直。周章遣哨船詰之。魯人托書而去。尋來下田。申請通信互市。○十一月。諸國地大震。富士山崩。○家定命井伊直弼衛京師。蜂須賀齊裕。成。大森羽田。今日抄 ○十二月廿一日。命筒井政憲。川路聖謨。與魯西亞結條約九條。許其泊三港。條約類纂 ○廿三日。詔家定曰。夫外寇事情。固所深惱宸襟也。況於緇素。何有差異。頃年墨夷再來。入



詔收諸國寺院梵鐘鑄造砲銃

伊豆守崇廣

相摸海。今秋魯夷渡來。畿內近海。國家急務。只在海防。因欲以諸國寺院之梵鐘鑄造大砲小銃。置海國樞要之地。備不虞。速令諸國寺院各存時勢。本寺之外。除古來名器及報時之鐘。其他悉可鑄換大砲。為皇國擁護之器。及邊海无事之時。復又宜銷兵器。以為鯨鐘。不可有異議者。諸國宜承知依宣行之符到奉行。太政官符尋家定頒布之於海內。德川氏執政以來。以太政官宣命頒布天下。是為始。續太平年表○二年。卯春正月。建講武場。○三月。米艦來下田。乞測量近海。不聽。○家定命松前崇廣上其蝦夷。因賜陸奧伊達

陸奧守慶邦

右京大夫義睦

越中守順承

荷蘭致蒸氣船

島津齊彬獻昌平丸

藤田彪卒

彪字斌卿號東湖

郡四萬石償之。○夏四月。令伊達慶邦佐竹義睦。津輕順承發兵戍蝦夷及箱館。○五月。敕改造神嘉殿。櫻町帝以來。每新嘗祭。行儀于假殿。至是。以其陝隘。改造焉。○秋七月。荷蘭致冰船。今日抄○八月。島津齊彬。摸造洋艦。獻之幕府。家定賜刀賞之。近世事情○九月。大內成。○冬十月。江戶地大震。死者十萬人。是夜藤田彪卒。年五十。水戶人從藩主在江戶邸。地震。彪與母出。母欲再入家鎮火。彪馳止之。屋倒壓死。彪猶抱母。母得賴免。彪學通古今。頗達事態。當藩主齊昭之除弊政。調武備。與有力焉。齊昭深悼惜。自題其碑曰。

荷蘭條約成

設蕃書調所

或曰安政元年有此舉

信濃守清直

九條關白

讚岐守賴胤

出羽守定安

清人報朱賊狀

表忠東湖碑銘○十一月帝徙御新宮○十二月廿三日

與荷蘭結條約二十七條條約類纂○三年丙辰春二月幕

府始置蕃書調所以箕作玩甫松本廣安等為教官

今日宣下○夏六月政通辭關白宣下○秋七月米國總

領事巴爾理士來下田乞直呈國書于將軍奉行井

上清直等百方中沮竟不能折告之江戶幕府議米

使謁見不決今日○八月左大臣尚忠為關白宣下

○江戶大風屋瓦皆飛多死傷者元治夢物語○家定令

松平定安松平賴胤築砲臺于大阪○四年丁丑春二

月清人江星育等上書長崎報朱賊狀曰紅巾賊粗

定合衆國通商條約

鷹司前關白或曰九條尚忠

追加荷蘭魯西亞條約

平而南京賊死守不降今日○夏五月家定鑄鐵錢

文曰箱館通寶○定米利堅合衆國通商條約九條

條約類纂○秋七月幕府將許米使謁見德川齊昭與其

子慶篤上疏諫違勅不聽齊昭稱疾辭參政贈書前

關白政通請止見之先是寬文年間以高松彥根二

藩為藩間詰監老中尋加會津為二藩後又增松山

桑名忍姫路為七藩及米使謁見之議起連署上書

大論其不可亦不聽今日○八月廿九日定荷蘭追

加條約四十條○九月七日追加魯西亞條約二十

八條條約類纂○鍋島齊正上疏請討米夷以雪癸丑已

巴爾理士始入江戶

越中守正篤

米使始謁見大將軍

來辱○冬十月。巴爾理士始入江戶。館于蕃書調所。尋詣堀田正篤邸。面陳使事。呈國書副本。二十一日。遂行聘儀。下田奉行井上清直導米使抵牙門。下駕而入。有司迎延之。大廣間。於是將軍家定。烏帽直衣。出坐上牀。正篤等皆侍焉。巴爾理士拜跪上謁。敬呈國書。並叙主命。曰：開港通商。以永全交誼。家定慰喻之。正篤進受書函。米使乃退。是日勳舊諸侯及諸有司等。整儀登城。而諸大藩皆不與焉。近事紀畧○十一月。水戶藩士堀江克之助等。謀要擊米使。夜將入其館。為官吏所捕。今日抄○十二月二日。正篤奉教旨。新開

水戶人襲外國公使館

家定始遣使上米國書

港市。巴爾理士議請數項。曰：全權公使常駐府下。以便事務。曰：下田港屬不便。換以他港。曰：埠頭已定。則就建商館。並造寺院。曰：輪商稅。曰：禁鴉片。曰：兩國人民因便貿易。官吏無復檢之。曰：規約已定。則必得政府印信。以為照準。正篤以奏請衆議為辭。不即議決。巴爾理士不得已。且還下田。以待事定。○家定使林耀等入京上米國書。且乞勅允。先是。每奏外事。槩奉文書。未嘗馳一介。川路聖謨等頗為言。至是始遣使朝議。輟而不報。近事紀畧○五年。戊午春正月。詔公卿三十五名。議米國事。各上封事。云：勅諸侯建言。○幕

老中堀田正篤  
勘定奉行川路聖謨

正篤入朝奏外

權大納言東坊城聰  
長權大納言廣橋光成  
關白左大臣九條尚忠

府恐米使之復迫命堀田正篤西上請許其所乞川路聖謨等副之抄今日○二月堀田正篤入京奏曰頻年米使連至切乞通市自餘諸國亦將踵來而我獨執舊規絕而不通恐自取禍因欲大開諸港泛通海外以一變國法中興盛業特惠天下人心未信其然非仰天裁不足以服之敢取進止願速允之傳奏菅原聽長藤原光成申問奏旨正篤逐條對之聽長等報奏之朝議槩以徵列藩衆議為言聽長等以關白尚忠命傳旨正篤曰奏事極大上懼祖宗神明下慮億兆人心非可軌決宜採天下諸侯公議具奏之正

權大納言久我建通

蜂須賀齊裕上書

阿波守齊裕

駿河守峯重

篤大驚請少更文議奏久我建通曰否此書雖殿下之命即上之旨也宜速達之江戶矣正篤不得已報之江戶老中連署答之云米使若迫將如之何正篤大窘○蜂須賀齊裕密上書闕下申奏外國形勢請進兵守關以報皇恩又呈書大閣政通言天下安危在此一決切望殿下慎重從事○三月勅裁略定又變先是陪衛都築峯重謂正篤曰彥根藩士長野主膳與關白殿下臣島田正辰者善因之游說殿下必得勅允正篤從之多方夤緣說諭尚忠尚忠與聽長謀下勅書文案廷議文有凡所奏陳舉倚任關東之

前內大臣 實堅

中山忠能唱義 改敕文

權大納言 忠能

言公卿皆變色時聰長陰主此議德大寺實堅援之  
中山忠能首論其不可議奏萬里小路正房亦曰臣  
固不可開市雖以之奪邑不能同意焉即顧諮左右  
諸卿皆從之忠能等八十餘人因傳奏光成上疏請  
改敕文天皇嘉其忠直敕改報案近事紀畧元治夢物語○二  
十日關白尚忠召正篤傳旨曰米夷要請事體極艱  
人心之向背國家之安危在此一舉主上深思宸憂  
日切往歲下田之舉已不副聖意況復開諸港結信  
各夷恐貽患後世誠不易輕決宜議二家及諸侯以  
奏處置之宜正篤奉敕書退使人致之江戶都築峯

救增加神官及 京師守衛

井伊直弼為大 老

掃部頭直 弼

下田奉行 清直 箱館奉行 利熙

重以奏請不允自殺謝正篤云○夏四月正篤入朝  
告歸救增神官及京師護衛○正篤還江戶召巴爾  
理士於私邸頗分疏內情擬延約期因賜老中連署  
書證之巴爾理士不喜曰一國已刻期而以人心不  
安塞責萬國之所不有史誌之所不載甚無謂也請  
自詣京師取決正篤苦諭而止元治夢物語○井伊直弼  
為大老抄今日○六月十九日幕府與米國結約先是  
米艦二艘來下田尋魯艦一艘又來皆報曰英佛諸  
艦踵至幕府遣井上清直堀利熙等檢之巴爾理士  
說之曰英佛既克支那乘勢來迫不復米人恭順之

定亞米利加假條約貿易章程

至萬延元年於華盛頓交換本

書

尾張權大

納言慶恕

越前中將

慶永

刑部卿慶

喜幼名七郎麻呂

比。貴國欲知之何。雖然。速今速定條約給印信業已為我同盟則我能論。一國圖以無患否則禍且不測。清直等即結條約十四條更定貿易章程七則。號曰假條約以與焉。條約類纂近事紀畧○二十五日將軍家定迎紀伊宰相慶福為世嗣時年十三更名家茂先是德川慶恕松平慶永等議曰將軍無子而嗣君未定方今國家多難非長而賢者不能以副其職因以一橋刑部卿年已長且有聲望欲立為嗣刑部卿即前中納言齊昭第七子也。井伊直弼等深忌齊昭欲立慶福議未決家定患之請叡旨有旨曰宜立賢而長者

命諸藩守京師大阪堺兵庫

讚岐頭賴胤

出羽守定安

越中守定猷

內藏頭慶政

將軍家定薨

直弼等祕之遇與米使假條約齊昭等以為違勅罪大不可不爭即與慶恕慶永請入見將軍議之家定稱病不見直弼等大懼竟違所請之叡旨決議立慶福慶福故將軍家齊第六子齊順子也。今日抄近○京師大火○家定令藤堂高猷池田慶政毛利慶親立花鑑寬等衛京師大阪兵庫堺。今日抄○秋七月六日將軍家定薨先是家定奏權許互市事天皇大驚遣使奉幣神宮及加茂石清水祈國家靜謐赦徵三家或大老會家定有病遽薨直弼等畏慶恕齊昭等之參朝議急擯斥齊昭慶恕慶永等使茂德代慶恕

下總守詮勝

英吉利條約成

茂昭代慶永茂德慶恕之弟茂昭慶永之支族也而後奏曰慶恕齊昭皆有罪禁錮其嗣皆幼弱未足贊朝議而直弼決裁外務事機甚急亦難跬寸步因令間部詮勝西上至則賜咨問焉今代月表近事紀畧○十日改修荷蘭魯西亞舊約鈐印之更定貿易章程尋英吉利船三艘來品川結條約二十四條定貿易規程七則條約類纂○僧月性歿字知圓號清狂周防人慷慨有氣節好論時事其說法也以充擴國恩排擊匪教為主為之感激興起者不少及其死國人大悼惜焉懷古集清傳○八月葬將軍家定于增上寺賜諡曰溫恭院

天皇賜內旨于齊昭

越前藩士橋本左內民部大輔良典一作其典薩摩藩士日下部伊三次

贈太政大臣正一位元治夢物語○天皇賜內旨於德川齊昭蓋聲幕更違敕之罪也因命二家三卿等協心戮力翊戴天朝扶翼幕府以禦外侮先是幕嗣之未定也中外係望刑部卿水戶藩臣安島帶刀與其京師郎監鵜飼吉左衛門父子及橋本左內等謀欲藉朝命以就事乃密謀之鷹司家臣小林良典近衛家婢村岡等相結周旋京師既而幕嗣定事不果成更相議有密所奏請於是敕書下日下部伊三次鵜飼幸吉奉以東下致之水戶賜勅始末近事紀畧○彗星見西北天下暴痢時呼虎狼痢朝瀉夕死諸藥無驗彗星滅

佛蘭西條約成

戊午之難

而荆亦息。○幕府以田安慶賴為後見職。○九月三日。權許佛蘭西互市約。二十二條。定貿易章程七則。至是五國條約皆成。全條約○冬十月。老中間部詮勝上京。館妙滿寺。先是朝紳家士及處士等。往往臧否幕政。歸罪井伊直弼。黨援稍眾。物議大湧。直弼遣家臣長野主膳于京師。諜之。備悉情實。又囑詮勝圖之。於是詮勝稱疾不朝。縱吏四方。捕小林良典。賴醇等數十人。檻送江戶。江戶亦捕其黨與。飯泉喜內等數十人。竝皆下獄。鞠訊得情。頗有蹤跡。乃逼大閣鷹司政通。前內大臣三條實萬。削髮屏居。○二十五日。宰

家茂為將軍

成就院月照  
薩摩藩士  
吉兵衛後  
更吉之助

或曰隆盛  
能游泳欺  
月照與俱  
投水以死  
之滅口

相家茂為內大臣。任征夷大將軍。叙正二位。今日抄○間部詮勝奏曰。主上欲距絕夷狄。幕府固奉戴之。諸吏亦所願。然非公武一致。上下同心。則不能奏効也。伏望且緩機宜。○十一月。清水寺僧月照投薩海死。月照嘗與薩人西鄉隆盛謀。周旋其藩。及直弼逮捕志士。藩議兩分。或謀陷隆盛。隆盛與月照逃。日向逮捕。又迫一人以為事已至。是有踏海而死耳。乃乘夜與俱投海。會月明。有漁人濟之。一人已暝。舟子看護。懇至。月照終死。隆盛魁。藩人更竄之大島。先是隆盛以事再流大島。因變姓名。稱大島三右衛門。後赦而



青蓮院宮  
尊融

開橫濱互市場  
定國徽樹海船

入道前左  
大臣忠熙  
入道前右  
大臣輔熙  
入道准后  
關白尚忠  
政通  
入道內大  
臣實萬

還尋參藩政。○十二月。家茂幽入道尊融親王命伊達宗城退隱。○泉涌寺靈明殿災。近世史畧○六年。己春正月。幕府令徙商戶于神奈川。大開互市場。許內外人民因便貿易。初內海之往來。唯官船係中心紅色。四圍白色。旗至是。令海船皆樹繪一紅日旗。以別外船。今日抄○二月。山內豐信退隱稱容堂。近世事情○三月。左大臣近衛忠熙。右大臣鷹司輔熙。并辭官削髮。○夏五月。帝賜尚忠。政通。忠熙。輔熙。實萬等黃金若干。以慰廷議外事之勞。○家茂令禁洋服。○六月。禁鬻官銜圖籍及兵器於外船。○秋七月。神奈川大風海

幕府增關白職俸

或曰豐信  
幽屏在是  
春  
備後守太  
田資始退  
職号道醇  
醇字士春  
通稱三樹  
三郎號古  
狂生  
義質通稱  
源二郎號

溢人溺船毀。今日抄○八月。家茂奏增尚忠職俸五百苞。采邑一千石。○幕府斷德川齊昭等獄。譴前中納言愬外事於京師。謫幕嗣於公卿。密請勅旨。使微者奉之罪。就國禁錮終身。誚其子慶篤。以不能匡救。父過鎮撫藩臣。禁其登城。尋釋之。讓慶喜。使其退老屏居。幽屏山內豐信。太田道醇。命安島帶刀。自刃。梟鶉飼幸吉。斬鶉飼吉左衛門。茅根伊與助。飯泉喜內。橋本左內。及賴醇。放竄。鮎澤伊太夫。小林良典。飯田左馬等十餘人。梅田義質。日下部伊三次。已死于獄。勝野豐作。脫走晦跡。因流伊三次。豐作之子。義質若狹

雲濱  
豐作名正  
道水戶人  
子森之助  
名正倫

己未之難

人下帷京師魯艦入攝海也。大和處士相謀擊之。推  
義質為謀主。以魯艦去。不果。既而黨錮事起。檻至江  
戶。醇作詩哭之。醇亦被拘。醇安藝人。賴襄第二子也。  
初幕吏按醇獄。不抵死。而醇慷慨激烈。對吏不屈。大  
嘗時弊。遂被斬。年三十五。左內越前人。嘗受藩主密  
旨。周旋闕下。盡力國事。及捕吏案問密旨。係何事。左  
內抗言曰。既言密。所以不可明言。其在獄中。慨然有  
感。手注資治通鑑。至漢紀而就刑。先是清水寺僧信  
海奉勅修大元帥法幕府。以為咒咀關東。下獄而死。  
信海。月照弟也。今日抄近 ○九月。家茂分與蝦夷於

事紀畧

陸奧守慶

肥後守容

美濃守利

剛

右京大夫

義就

越中守承

烈

左衛門尉

忠寬

大原三位

重德

伊達慶邦。保科容保。南部利剛。佐竹義就。津輕承烈。  
酒井忠寬。懇關抄今日 ○冬十月廿七日。幕府斷吉田  
矩方獄。處斬。初。矩方以下田之舉。獲罪於幕府。禁錮  
本藩。而志不少撓。憂國益切。日以尊攘。期望幕府。而  
幕吏懾懦。漸主和議。或勸矩方。舉事討幕。矩方以其  
背大義。諭止之。尋釋屏居于家。時井伊直弼專用事。  
疎斥三家。把弄國憲。五國之約。不經奏而許之。天皇  
宸怒。志士痛憤。矩方知幕府之不可復諫。乃以所著  
時勢論。呈廷臣。大原宰相。宰相篤斐。論之。矩方益激  
厲。會老中間部詮勝。西上。收拘黨人。矩方聞之。奮然

國史各卷二版

卷之六

四十一

高松林齋

萬延元年 安政七閏三月一日 改元 始遣使外國 淡路守範 正 豐前守正 興

決死欲狙擊詮勝遺書父兄脫家而去事竟不成本藩憚物議復擊之獄既而幕府命藩臣永井雅樂檻送矩方于江戶幕吏詰以投匿名書於禁中及與梅田義質謀事矩方素與義質不相容投書之舉亦始無其事因明辨其誣更告以呈書廷臣及圖老中故幕府所疑非矩方所為而矩方所計則出幕府意外幕吏始大驚遂處之刑時年三十松陰畧記評定所斷案○十一月再造靈明殿是歲家茂命德川慶篤納去秋所賜勅書○萬延元年庚申春正月遣外國奉行村垣範正新見正興等于米國遣公使外國是為始今日抄○

櫻田之變 竹之助光 明次郎右衛門兼清 蓮田市五郎廉 黑澤忠三郎 齋藤監物 周德大關和七郎 森五六郎 行宗 杉山彌一 郎 森山繁之 助正德 稻田重藏

三月三日水戶藩士佐野光明薩摩藩士有村兼清等擊大老井伊直弼于櫻田殺之是日大風雪直弼乘復輿從者七十穿赤襪傾蓋喝道而行忽有數人自路傍出雨衣奴裝自呼訴人近輿側從者叱避之隨叱隨近逡巡之間又有數人襲擊前驅從者皆赴之訴人乘間斫輿丁輿丁舍輿走從者視變反救前後集鬪互有死傷一人跳出橫刺復輿曳出直弼鹹之貫刀上大呼曰有村兼清獲井伊公矣與數人吟哦去至日比谷門番吏惧而不譏眾輒過之時兼清創劇不能行自屠而死自餘或死或去大關和七

廣岡學二  
郎 山口辰之  
助 數直弼五罪  
鯉淵要人  
廣木松之  
助 岡部三十  
郎 關鐵之助  
增子金八  
郎 海保嵯峨  
之助

郎等四人赴熊本藩邸。光明等四人詣老中脇坂氏。邸並自首請罪。上封事略曰。井伊中將挾幼主。抱私意黜陟。有司罪一也。苞苴私謁。無所不至。罪二也。斥柳管羽翼之良將。罪三也。喉間部閣老。誣誤九條殿。下幽窟堂輔弼之名卿。罪四也。懼洋夷之虛喝。不得救允。而擅結條約。罪五也。凡斯五罪。神人所不共容。故臣等代天誅之。區區之志。竊期萬分之報。固非敢犯大府也。伏望當路有司。一洗舊污。大布新政。上奉聖主之勅。下副蒼生之望。維持世道。制禦外侮。以措天下於富岳之安焉。臣等死不悔。謹俟鼎鑊。疏入大

甲斐守柳  
澤保申  
美濃守稻  
葉正邦  
左京大夫  
青山忠敏  
主膳正本  
多康穰  
出雲守織  
田信成  
許葡萄牙通商  
德川齊昭薨謚  
烈公  
公字子信  
號景山

議處分。搜索黨與。後皆處之斬。蓮田遺書 ○先是家茂令郡山淀篠山膳所柏原諸藩。戍洛外要衝地。至是皆備。○夏四月。家茂改鑄小銀四銖二銖。比舊皆小也。紀 ○六月十七日。許葡萄牙人通商。定條約二十四條。貿易章程九則。條約 ○秋七月。英人上富嶽量驗高底。○八月。德川齊昭薨。年六十一。私謚曰烈公。公為人英明。天保末。託田獵。治軍廢佛。利興學校。多毀梵鐘。以鑄煩坐之屏居。及米艦來幕府。召參大政。議與老中不合。再坐事齋志而薨。識者深惜其志業之不畢焉。回天詩史 ○家茂使婢勝定院橋本氏入京。

幕府奏請尚皇妹

織部正利  
熙對馬守信  
正

若狹守忠  
義淡路守範  
正

奏請尚皇妹和宮。先是和宮約適有栖川宮。故不聽。橋本氏固請不止。今日○冬十一月。箱館奉行堀利熙諫。老中安藤信正不聽。反罵辱之。利熙還家。自裁。遺書信正。指斥其五罪。其一曰。聞專論廢帝之事。使國學者探索舊典。私議其事。僕血淚如雨。鏡腸如裂。誰不慟哭。仆地實天下逆賊。天誅固不容也。可鑑。彥根閣老矣。一時流傳。讀者莫不流涕。懷古集○天皇依吉子內親王東降。例許尚和宮家茂使所司代酒井忠義納幣。分與金一萬五千兩于親王大臣。今日○十二月十四日。家茂命村垣範正等結宇漏生條約。

文久元年  
萬延二年  
二月廿八日  
改元

發內帑賑窮民

水戶亡命唱攘夷

魯人寇對馬  
對馬守義和

二十三條定貿易章程九則。條約類纂○文久元年。辛酉春正月。幕府始鑄鐵大錢。文曰寬永通寶。背作波圖。以一當四。○二月。天皇發內帑賑山城窮民。欲以自通及遠。普遍海內。勅家茂贊成之。今日○水戶亡命屯集各處。傳檄四方。曰。奉老公遺志。蕩燼醜夷。諸藩亡命聞之。競集。凡二千人。將襲橫濱。所在騷擾。至是家茂命藩主慶篤捕獲之分。遣諸侯扼其衝路。益嚴蕃館警備。○魯艦來對馬。劫奪民物。捕殺吏人。初宗義和力溫諭之。而肆橫益甚。至是一藩大憤。欲悉力殲之。飛書報江戶家茂。遣吏按問之。既而去。○夏五月。

重信稱半彌  
水戶人襲英館

對馬守信正

和宮東嫁至江戶

故大納言實久  
長澤蒼翠上陳便宜八條

水戶人有賀重信。岡見富次郎等十餘人。襲英人于東禪寺。傷其一人。衛吏禦之。頗有死傷。重信等二人死之。餘皆逃散。於是命慶篤急捕黨與其徒。多脫走。奧羽英國公使大怒曰。日本亡狀如此。不可復以理說。即與佛蘭二公使退橫濱。將率兵逼江戶。老中信正等百方諭解。事纔得釋。爾後英人置兵橫濱。以自扞焉。近事紀畧○秋七月。英人乞測量內海。聽之。○冬十一月。內親王和宮東下。典侍觀行院等從之。觀行院橋本實久之女。今日抄○茶禿長澤蒼翠上疏幕府。陳便宜八條曰。復上洛禮曰。明春或有天下亡命輻湊。

春日神鏡自毀

順藏名順字周道號訥巷江戶人

阪下之變

通植下野人稱顯三變名三島三郎  
式越後人稱莊太郎  
變名豐原邦之助

京師及今陰備之曰黜陟吏胥皆用正議人使一橋刑部卿輔佐幕府越前前中將為大老其餘皆剗切時弊。長澤蒼翠上書○鍋島齊正退隱稱閑叟○二年壬戌春正月朔春日神鏡自毀。今日抄○大橋順藏等將奉輪王寺宮據日光舉兵事露下獄尋卒年四十八所著有關於小言一時流傳四方○十五日甲田通植河本式等數人要擊老中安藤信正于阪下門外刺輿傷脊從者山田彥八等拒鬪信正走入郭門彥八等皆被創遂殪通植等六人擁信正而還六人各懷一封書題曰斬奸趣意略曰信正強請皇妹配之將軍

常陸人平山繁義變名細谷忠齋  
 小田朝儀稱彦二郎變名淺田儀助  
 黑澤保高稱五郎變名吉野政助  
 高島胤正稱萬藏變名相田千之助  
 毛利慶親建議

欲藉以要通市勅允不聽則逼以讓位命國學者引廢帝之例使幕府奕葉恭順之旨一旦委之地朝幕之罪人臣等不忍見因今捐微躬斬戮奸賊幕府大索遺黨下野人兒島強介等並連坐死于獄今日抄  
 語○二月毛利慶親建議幕府曰自條約之成開鎖和戰群議紛興黨同伐異天下洶洶有瓦解之勢然是尚枝葉耳方今急務在崇奉天朝以明君臣大義協和公武以一天下人心廣究諸蠻情形以確立國本也國本既立內政盡舉然後覃及外事可以戰則戰可以和則和開鎖通絕量時度勢從宜處之則本

慶親說老中  
 大和守廣周

中將松平慶永  
 左衛門尉聖謨

永井雅樂上奏

末內外無往而不可者今日之計蓋不過如此願熟議之幕府不報於是慶親自登城見老中久世廣周等面折時弊曰和宮之降嫁也將軍當入朝而食言天皇宸怒自鍋島氏老大藩失望各務富強為自守之計國事已至此可無大處分乎廣周等愕曰然則如之何慶親曰有以越前中將為大老登庸川路左衛門尉等以改弊政耳廣周等勉強從之慶親薦其臣永井雅樂使詢議京師事情已而廣周召雅樂謀事雅樂素忌鎖攘故其議合幕旨因授密旨說京師○二月雅樂入京師呈書議奏備陳持議並申藩主

詔毛利島津二家護衛闕下

三郎久光初稱周防又更和泉長門守定廣二郎國臣

之志時攘夷之說朝野喧然有圖雅樂者遂不得其意而復東明年以事獲藩譴竟自裁于國近事紀畧○夏四月詔島津久光毛利定廣自駐闕下鎮撫浪士時慷慨勤王士脫籍自稱浪士蓋放浪江湖人之謂也先是筑前人平野國臣在攝播間以尊攘說鼓舞志士其徒大約二百人相議曰吾儕烏合衆無所統一冀倚一大藩以就事日望所屬會久光過姬路相率赴之要請曰近者幕府凌蔑朝廷結納醜虜暴慢云極矣臣等憤激不自禁欲戴公以解朝紳幽厄據大阪彦根及二條城號令各藩遂奉鸞輿於函嶺問幕

所司代威權墜地

若秋守忠義

美濃守齊溥後從四位宰相

府之罪以速攘洋夷願閣下憫臣等微衷領之久光意思其暴舉依違撫之入京師奏之薩之亡命在大阪者憤久光姑息欲逼舉事相率抵伏見久光遣人慰諭之不聽抗論數次遂奮鬪互有死傷近事紀畧京師所司代酒井忠義聞變倉皇入二條城自是所司代威權頓墜地元治夢物語永井雅樂之建言朝廷也天皇深嘉慶親之忠勅召之闕下慶親奉命未往再建議幕府請將軍速入朝大會列藩以議定國是時世子定廣將就國途過京師因竝有此命近事紀畧久光島津茂久支族也大成武鑑○筑前國主黑田齊溥來江



戶途至播磨稱病歸國。近代○詔入道政通輔熙忠  
 熙等朝參入道親王尊融復為青蓮院宮。今日○家  
 茂釋慶恕慶喜慶永及山內豐信伊達宗城等譴累  
 ○五月家茂命松平慶永干預政事班告政事復寬  
 永以前旨○伊藤軍兵衛襲東禪寺殺英人二名自  
 殺。近代○六月七日勅使左衛門督大原重德到江  
 戶島津久光率士卒六百人陪從重德登城宣勅略  
 曰卿家茂宜率諸侯入朝議決內外事宜宜依豐臣  
 太閤之故典選五大藩為五大老以咨詢國政宜以  
 一橋慶喜為夾輔松平慶永為執政各戮力協心以

勅使到江戶

指揮中外朕之所慮在斯三事審議決之家茂謹奉  
 旨。近代○毛利慶親奉勅自江戶入京師。近代○秋  
 七月家茂大行黜陟起慶喜為後見慶永為政事總  
 裁職慶永大布新政濶諸侯會同之期許其妻孥就  
 國初慶長年間諸侯妻子盡至江戶令其會同者留  
 期年而去著為永制江戶殷富皆是賴焉至是景況

毛利慶親奉勅入京

頓變。近代○毛利慶親父子建議學習院論協和朝  
 廷幕府。近代○浪士斬九條家臣島田正辰梟首于  
 四條磧榜其罪狀曰正辰與逆賊長野主膳同圖不  
 軌因天誅之物語○罷關白尚忠以左大臣近衛

處士刺島田左兵衛尉正辰

九條入道圖真

久我素道千種自觀忠熙為關白尋放久我建通千種有文岩倉具視富

岩倉友山小路敬直於洛外皆削髮近代月表○八月山內豐

雲範入京詔與慶親久光同鎮撫闕下時數賜內勅諸

藩士語有其威望者必曰薩長土○毛利定廣奉勅

東下傳旨曰戊午以來被譴累者宜速釋之其死非

命者宜招其魂禮葬之令子弟祭焉贈故中納言齊

昭大納言宜傳之慶篤繼先人志○勅使大原重德

西歸島津久光先發至生麥英人四名馳馬衝其前

驅從士怒斬之殺其一人餘皆逃去元治夢物語○

閏八月家茂置京師守護職以保科容保充之命井

薩長土有威望  
長門守定  
廣改名廣  
封後又改  
元德

置京都守護職  
肥後守容  
保

勅使又東下

修理太夫  
久昭

伊直憲處其臣長野主膳嚴刑釋戊午以來罹國難

者削死者罪名許建墓碑尋數故井伊直弼罪削其

封十萬石及安藤信正一萬石久世廣周一萬石其

餘各有差近事○島津久光歸國○冬十月後醍醐

天皇庶震動破裂近代月表○勅使中納言三條實美少

將姊小路公知齋詔東下山內豐範陪從實美宣勅

曰攘夷宸旨終始不渝宜速決策奏其期且徵募兵

食于諸藩號為親兵以守禦京畿家茂謹領宸旨今日

抄近世史畧○中川久昭過伏見東下青蓮院宮尊融遣

人詰之曰何先關東而後京師乎久昭不能答即入

八十餘藩入京

京師是時在京諸侯八十餘藩寬永以降未曾有云

近世史畧○十二月。中納言實美少將公知西上。毛利定

廣陪衛之。○德川慶篤奉教施行戊午勅。○造英館

于殿山。英人未移居。有人火之。又斬塙二郎。榜其罪

狀曰。二郎受安藤信正密囑。檢廢帝例。因加天誅。近代

表○是歲家茂囑荷蘭製造軍艦。遣榎本武揚。赤松

則良。內田正雄等。學海軍術。又募庶民編步兵。分士

卒作砲騎二隊。以號三兵隊。近代史畧○三年癸亥春正月。

家茂以鍋島齊正為文武顧問。一橋慶喜入京。館東

本願寺。水戶藩武田正生從之。松平慶永亦赴京師。

鎌二郎武揚  
大三郎則良  
恒次郎正雄  
編三兵隊  
伊賀守正生  
齋號耕雲

浪士橫行促攘夷

諸藩士浪士逼以攘夷之期。慶喜曰。俟將軍入朝。決

之。浪士等憤其因循。殺千種家臣賀川肇。投其首于

慶喜館。曰。為攘夷血祭。贈左右腕於岩倉具視。千種

有文曰。公等信肇奸謀。故獻之肇。亦主膳之黨也。時

國事掛參政以下十三名。亦奉勅逼慶喜。以攘夷期

限。今日抄近世事情○二月。熊本藩轟武兵衛。長門藩久阪

通武等。逼關白忠熙。促攘夷期。近代月表忠熙辭關白。右

大臣鷹司輔熙為關白。雲上明覽○詔在京諸侯。建言學

習院。議國事。○敕青蓮院宮尊融。復飾。賜第名稱中

川宮。近代月表○三輪田綱一郎。大庭強平。諸岡節齋等。

尊融復飾稱中川宮  
松山藩士綱一郎

武兵衛後改稱照幡寬胤

斬足利木像首  
鼻之

會津藩士  
強平

江戶人節  
齋

家茂入朝

幸加茂神社祈  
攘夷

入等持院。斬足利尊氏等塑像首鼻之。三條磧聲其罪。以諷幕府。保科容保捕其黨十餘人。下獄將處刑。毛利定廣奏請宥之。自是士民益屬意毛利氏云。振氣  
○三月。將軍家茂入京。館一條城。尋入朝。獻黃金百枚。白銀千枚。机硯香爐。掩障屏風。掛畫錦綿等。親王公卿以下。獻饋有差。先是慶喜因關白請詣廷。建言有故不能至。是賜謁。慶喜前拜曰。將軍在職。請委任之。天皇曰。可。慶喜少退。天皇曰。依舊委任將軍。其勵精攘夷。慶喜拜謝而退。由是家茂名望大定。○十一日。天皇幸加茂神社。先是毛利定廣奏請舉行幸

松平慶永脫而  
歸國

慶永號春  
岳

島津久光亦歸  
國

之典。以啓親征之端。朝議從之。至是行之。是日。關白輔熙以下。公卿扈從。家茂率諸侯。從衛前後。鹵簿極盛。今日抄近○諸浪士逼松平慶永。促攘夷。慶永病之上。疏辭總裁職。未得允報。夜脫還國家。茂譴幽屏。元治夢○十四日。島津久光入京。十八日歸國。初久光久在輦下。朝廷深倚任。而或有議其專者。至是上疏曰。臣數陳鄙見。規時事。而讒口紛紛。其言不用。而猶誓留闕下。恐媒孽不虞之紛擾。且攘夷期近矣。弊邑不可不為備。願賜數月暇。書纔奏。已出就途矣。近世史畧○幕府新徵兵。先是處士聚合。有稱壬生浪士。

編新選新徵二

者給俸蓄之名為新選組欲以壓在京浪士時江戶之浮浪清川八郎等數百人將襲橫濱又有一聚合偃蹇無賴稱攘夷軍須掠略豪戶遠近騷然幕府發兵捕之會八郎為人所殺事平於是更編一隊名新徵組以鶴殿鳩翁等為隊長令莊內藩督之村林覺書○夏四月十一日天皇行幸男山將就祠前賜攘夷節刀於家茂是日家茂稱疾不出慶喜在扈從因代受慶喜窮蹙俄稱疾下祠浪士等乃罵慶喜曰咄情夫不足共事遂迫請天皇親征朝廷慰止之近事紀畧○勅十萬石以上諸侯每三月更戍京師使三條實美掌

天皇行幸男山

定攘夷期限布告諸藩

之親兵亦屬實美與馬煇門元治夢物語○廿一日將軍家茂與慶喜等詣闕奉勅以五月十日為攘夷期限因通告列藩奉勅即日發京師入大阪城近代時關表東英人之事興情勢切迫飛報如織於是家茂奏請東歸不允初家茂之西上也限以在京十日德川慶勝以為不可奏請留之輦下以示君臣一和之實乃救家茂曰當在此指揮諸侯家茂奉勅更勅德川慶篤為將軍目代委以攘夷令與德川茂德等計議決事是春英人率兵艦數隻直逼橫濱以書來責曰聞去年殺本國土官者島津三郎黨也乞速縛主使者

大納言慶勝恕改名慶勝

屠張大納言茂德

英人責生麥之事

近事紀畧元作碼輿地誌畧凡例云一碼蓋當四弗八四

附之於我兩國參檢然後駢首誅之否則得政府贖罪金五十萬元且欲別取三萬弗於島津氏以存恤死者妻孥島津氏固不得拒苟拒則有一戰已政府宜發一權官監視之今日之報不得猶豫請以三月九日為期萬一過期兵艦在此貴國其勿悔焉書辭極倨慢幕議大難之飛書報京師固請將軍東歸而將軍被抑留不得還於是慶篤東下意在鎖攘而幕議柄鑿報期已迫遣人橫濱謀更緩答期議不輒決時在港外人各爭收局如戒急狀而英艦益輻湊殆至十餘隻幕府大怖依違遷延往復之間已過月餘

茂德入名古屋城不出圖書守長行

幕府輸生麥償金

英人倍忿觀兵逼之幕府下檄戒非常府下洶擾眾荷擔而立老中皆稱病不出殆至無視事者近事紀畧元治○五月朔茂德欲西上仰裁發江戶至美濃俄入名古屋城稱疾不出先是更勅一橋慶喜東下處事老中小笠原長行先下欲鎖港而後償金老中松平信篤等不聽長行獨抵橫濱說各國公使公使曰無之或渝條約在彼今乃渝之吾儕安得縱斷大事其謀之本國事之可否唯從本國之命耳長行欲見英人英人不出九日和議遂決輸洋銀四十五萬元事始平慶喜途聞償金議決馳駟止之不及近世事情近代

長人始礮擊米

國艦

表月○十日夜長藩士要米艦過赤馬關者礮之初外

舶之來也。天皇深憂之。謂必外攘而後可以安內國。

屢勅責諸幕府。而幕府依違不輒奉詔。毛利慶親父

子首倡大義。必欲有應上旨。於其國長門要害多築

礮臺。專計討攘。幕府始令天下戒攘夷之期。於是斷

而礮之。米艦驚避。向田浦飛舸追蹙。復擊走之。後與

米蘭佛艦戰。凡五回。互有勝敗。○將軍家茂入京師。

○盜刺姊小路公知於朝平門外。公知歸家而薨。道

路以為薩人所為。勅罷島津氏乾門宿衛。元治夢物語○

六月毛利慶親獻金一萬圓於朝廷。○勅遣正親町

軍勅使至長門監

姊小路大納言

左近衛少將公董

小倉藩主左京大夫

小笠原忠幹

公董于長門賜紅白御旗於慶親。以益督勵焉。初攘

夷之令下也。小倉藩私以為非幕旨。及長藩舉兵亦

不應援。朝廷乃令諸藩云。如聞長藩已開兵。而或有

袖手旁觀者。甚非宸旨。宜各同心戮力。速奏掃攘之

功。近事紀畧於是肥筑一藩遣使于長門曰。貴國復有寇

必致援兵。淺野茂勲亦欲援之。奏請就國。今日抄○小

笠原長行。海路抵大阪。將赴京師。謝輸金罪。朝廷不

許。詔褫其官爵。屬大阪城代松平信古禁錮之。尋許

之。今日抄○江戶西城火。○將軍家茂海路還江戶。近代

表月既而有勅責。急遣陪衛小栗某於江戶。詰攘鎖期

刑部大輔信古

家茂東歸

守小栗長門

國史各卷一版

卷之六

五十四

萬卷樓藏版

薩人與英艦砲戰

限家茂因復議之外人扞格不行。近事先是朝廷命紀畧毛利慶親守兵庫慶親辭以自有邊海守且兼對馬應援乃命龍野高槻二藩代之後以久雷米藩代之又欲糾合小藩守大阪命容保部分之容保不奉勅欲使慶勝鎮大阪亦辭尋就國茂德亦致仕於是勅柳川鳥取二藩守大阪。近世史畧○秋七月二日薩人與英艦戰先是英艦七隻入鹿兒島港逼曰生麥之事政府則既謝罪矣顧貴藩何所決乞速出罪人竝輸償金如額藩議既決戰志且依違答之密為之備英人猝入內港奪所繫漁船三隻蓋為質也於是藩兵

薩人滋野孝之允等來橫濱應接英人薩人還英艦錨

幕府遣使詰長藩

遂發是日大風雨我兵乘之發砲擊英艦英艦乃焚質船因大合戰彈丸雨注火移市街炎焰焦天我兵悉力拒之既而英艦皆去而我砲臺戰艦亦多毀壞島津茂久飛書報狀朝廷壯之下勅獎勵既而英人圖再舉茂久乃遣人橫濱借金幕府償輸如數事始平。近事紀畧初英艦之去也倉皇有不能拔錨者斷其索而去薩人收錨及和成英人請錨薩人還之無有所惜蓋萬國之法戰獲其錨則必徇之四方以告戰勝雖事平非得贖金則不肯還今則不要一金英人悅之深感其義云。近世史畧○幕府遣中根一之允於長門



寺 浮浪士燒高臺

淡路守茂 詔 彈正大弼 齊憲 塚町門之變 讚岐守元 純 盛物經幹

詰擅砲擊洋舶長人分疏不服拘留一之允一之允尋死由是幕府惡長人誣以殺幕使○浪士等燒高臺寺貼書曰使朝敵春岳館故神火燬之又貼書大津曰搬越人輜重者天誅不旋踵蓋松平慶永不待朝命而就國又將入京故為之近世事情○八月十三日詔曰行幸大和拜畝傍山陵駐驛春日山議親征池田茂政池田慶德蜂須賀茂韶上杉齊憲等入朝請止親征不聽近代月表○十八日勅止大和行幸命長藩人去京師先是毛利慶親父子就國使支族毛利元純吉川經幹及益田親施等率衆入京守衛塚町門

右衛門介 親施

右大臣齊 敬

是日味爽中川官尊融俄入朝急召保科容保稻葉正邦等命鎖九門使薩摩會津淀因幡備前等兵分守之衆皆戎裝列砲備之道路騷然事將不測元純等聞變馳至諸門戒嚴不許一介入之衆大驚擾馳至關白輔熙第輔熙亦受朝禁不悉事端先是三條實美急騎入朝門者仗勅拒之不得入亦至關白第於是一第益喧擾不可鎮制時尊融召近衛忠熙二條齊敬德大寺公純及慶德茂政茂韶等曰親征出英斷大和行幸非依宸衷三條中納言等黨長人暴議矯旨布令大犯震怒當正其罪因宣行幸中止之

中納言光  
愛宰相公正

三條中納言等  
七卿西走

命令柳原光愛召輔熙實美依之請朝朝議欲召之  
容保茂政沮之乃使清水谷公正責實美屏居因諭  
元純等令束衆退闕下恭默待命元純等百方哀訴  
不許乃親施雷書請歸國攘夷而退中納言三條實  
美中納言西三條季知少將東久世通禧侍從四條  
隆謨右馬頭錦小路賴德修理權大夫壬生基修主  
水正澤宣嘉脫禁走長門朝廷大怒削其官爵尋禁  
長人入京初長藩之生隙幕府也廷臣援幕府者衆  
以間之朝廷始疎毛利氏及行幸議決忽有飛語曰  
長藩陰謀欲挾天子號令四方也道路恐有變於是

止親兵

雅樂頭忠  
續

天誅黨舉兵

三河八健  
三郎名衡  
號奎堂  
備前人津  
之助名眞  
金號鍊石

朝幕遂猜毛利氏詔曰近頃教令眞偽錯出惑人心  
者多然今日以降實出朕意列藩其體之元治夢物語近事紀  
畧○九月以有栖川親王熾仁爲攘夷別勅使使池  
田茂政從之東下茂政上表辭之尋停別勅使先是  
家茂增貢十五萬石乞止親兵至是詔許之○詔酒  
井忠績東下讓幕府攘夷遷延近代月表○幕府命紀伊  
彦根津郡山四藩討天誅黨先是藤本眞金松本衡  
吉村景道安積武貞等數十人奉侍從中山忠光舉  
兵忠光大納言忠能子比入大和來聚者凡千人號  
曰天誅黨歷說狹山丹南白木諸藩借糧仗遂殺五

土佐人寅  
太郎景道  
江戸人五  
郎武貞  
侍從忠光

條代官鈴木源内。梟其首。徇曰。惟知德川氏三百年之德。而未知有朝廷三千年之恩。重賦厚斂。恆為幕府虐我天皇之赤子。大逆亡道。故加天誅。以除國蠹。害抄奪其財粟。放火于館。修櫻井寺。據之所在。揭榜曰。皇祖開國。皇孫御世。惟天子為天下主。則惟民為天子臣。汝庶民宜辨大義。以一心事朝廷。因除今年田租之半。既而聞朝議變。相議曰。事已至是。吾輩無所於容身。寧不如快戰殉國。乃乘曉霧。襲高取城。城主植村家保。防戰卻之。黨兵退。據十津川險。紀將水野多門。戰于吹口。不利。多門傷。兵多死。津將藤堂新

駿河守家  
保

中山忠光走長門

七郎。以兵六百攻帶河口。銃戰數刻。及暮收兵。黨兵夜襲。彥根營。營兵二十人死之。津兵攻天川。衢黨兵不能支。自縱火潰散。諸軍追討。衡真金戰死。景道病創不能鬪。北向拜闕。慷慨伏劍。武貞等五十餘人就禽。忠光率殘兵間行走長門。尋客死于長門云。南山踏雲  
錄 ○詔長門按毛利元純等情。以白慶親父子心事。慶親尋因右少辨勸修寺經理上書。略曰。臣尊攘之念。終始不渝。向賜監察。賞臣微功。感戴何已。况親征在近。臣等踴躍欲為先鋒。豈圖遽停大和行幸。罷臣堺町門警衛。禁入輦下。臣內自不安。竊以為皆讒人

三河守慶倫  
大學頭高潔  
因幡守慶德  
紀伊守茂勲  
備前守茂政

平野國臣等據  
銀山舉兵

所聞今欲入朝表赤心而懼叡慮何如加以海防事  
急令家臣請命某氏日記○松平慶倫蜂須賀茂詔藤堂  
高潔池田慶德淺野茂勲池田茂政連署奏請曰長  
薩首倡勤王而遠之列藩生嫌非計也請召長門宰  
相父子一我敵愾以攘外夷不省元治夢物語近衛忠熙  
亦致書關白輔熙曰長薩土三藩先衆鎮撫闕下耀  
皇威天下其功勞大矣然姦吏等嫉其聲望讒毀之  
遂禁長人入京何不明之甚也方今政務多端可足  
共謀者非三藩而誰也足下顧慮之近世事情朝議特召  
島津久光○冬十月平野國臣南水八郎等推澤宣

代官川上  
猪太郎  
宣嘉假稱  
姉小路五  
郎麻呂

嘉為將據但馬生野襲銀山代官廳奪其金穀移書  
國中曰關東亡狀不特不奉攘夷聖詔至乃獻毒至  
尊以謀弒逆賴皇祖天神之保護天日幸無虧缺雖  
然奸賊松平容保等濫排禁闥而黜公卿忠義之臣  
噫聖明天子陷在賊中為人臣者誰不扼腕切齒而  
痛憤之況茲州士民當南朝之時不屬賊足利大節  
載照青史忠義之風今猶不泯四方屬望則入除奸  
賊安宸襟不宜在他人後汝衆人其勉旃居數日土  
兵應者殆千人既而幕府命出石豐岡姬路諸藩討  
之衆聞之多逃宣嘉亦再西奔獨八郎與十二人據

出石藩主  
讚岐守仙  
石久利

遣鎖港使節

江戶城災

妙見山殊死奮鬪。一以當百。而衆寡不敵。遂自刃。入郎長門人。勇敢負氣。其臨死。手介十餘人首。而自刎。先是國臣爲學習院督長。請鎮天誅黨。南至五條村。途聞朝議之變。再入京師。奏請召七卿及毛利氏。不省。國臣謂尊融容保阻之。乃西至長門。爲此舉。爲出石兵所獲。後竟被誅。振氣編近 ○島津久光入京師。奏請召家茂慶喜慶永山內豐信。皆踵至。○十一月。家茂遣外國奉行池田筑後等。於英佛諸國議鎖港事。近代月表 ○江戶城災不復築。新選年表 ○輔熙辭關白。右大臣一條齊敬爲關白。雲上明覽 ○十二月。朔。長藩根來

長人砲擊薩摩  
瀛船

定瑞西條約

上總井原主計。至伏見。上書。先是元純等之歸國也。長人叙慶親父子癸丑以來周旋公武間。一意倡尊攘。以迨今日。事情名曰奉勅始末書。至是齋來乞入京師。奏之朝議。不許。遣人受其書。近事紀畧 ○廿四日黃昏。瀛船一隻。過赤間關。會雪。其徽章不明。戍兵以爲外艦。俄砲擊之。彈及船中。船乃遁之。多係燈籠。皆島津氏徽章也。已而火藥炸發。一船爲火死傷數十人。長人遣使薩摩。曰。蕃船僞係貴藩章。來將襲我。我兵擊沈之。聊管貴藩。故報之。薩人不喜。今日抄某氏日記 ○二十九日。結瑞西條約。定貿易章程。條約類纂 ○是歲鑄錢

元治元年

文久四年

三月四日

改元今日

抄作二月

二十日

將軍家茂入朝

會津中將

容保

越前前中

將慶永

島津久光

伊達宗城

文曰文久永寶背彫波文松平直克為政事總裁○  
元治元年甲子春正月池田慶德上奏請許七卿及毛  
利氏入京以和人心不省○將軍家茂率諸侯入朝  
彈正尹尊融宣詔曰方今紀綱廢弛醜夷強梁實國  
家危急之秋也不可舉人才修舊政如會津中將  
越前前中將島津少將伊達侍從等忠實純厚足以  
任國家樞機汝等能謀之挽回衰運然暴舉攘夷非  
朕所好而三條實美等不察宇內大勢矯詔議親征  
而長人亦忽其主命砲擊夷船其罪至矣然皆朕不  
德之所致自今海內一敵愾絕外交以副朕意時謂

之翻覆綸旨近世史畧近世事情○家茂任右大臣權少將久

光亦以積勞列諸侯稱大隅守大成武鑑將軍家茂奏曰

客春入朝既奉攘夷之勅而未能底績如橫濱鎖港

亦未奏實効心竊期嚴譴卻蒙此宸賞海岳之恩不

知所報自今除弊害修武備遵奉戒無謀舉事睿旨

速謀必勝之策近世事情○詔赦前勸修寺門跡濟範罪

還俗濟範伏見貞敬親王第四子天保十三年有故

止親王削籍幽于東寺至是復籍改名晃稱山階宮

尋詔入道純仁親王入道雄仁親王入道尊秀親王

竝復飾純仁幼弱其臣上奏辭之不許雄仁固辭不

詔法親王還俗

純仁和寺宮

純仁和寺宮

聖護院宮

雄仁

知恩院宮

尊秀

容保為軍事總裁

大和守直

近衛少將  
飛彈守鑑  
寬

下野守慶  
贊

蓄髮抄今日○二月。保科容保為軍事總裁。松平慶永為守護職。既而慶永罷。守護職容保代之。大成○立花鑑寬上書曰。聞蕃舶入南海。將寇長門。慶親父子。已蒙嫌疑。其國即皇土也。若縱夷上陸。天下之辱孰大焉。請就國以為之應援。書纔呈。已出就途矣。抄今日○黑田慶贊上奏曰。弊邑沿海兼長崎。今有蕃艦寇長之說。不可傍觀。請賜暇就國。以修守備。臣嚮患長事。使家臣諭之。然事太難。臣歸途過長。視慶親父子。告京師近狀。使之悔悟。謝罪。竝探情實。而奏之時。諸藩各疏其所見。論時事者。二十餘名。皆諫討毛利。

以戶田忠至為列侯

越前守忠恕  
和三郎忠至  
後為大和守改姓  
戶田

新法十八條

氏言合闔國之力。以攘討外舶。不省。近世史畧○以戶田忠至為列侯。先是戶田忠恕。慨列朝山陵之荒蕪。欲修之上書幕府。幕府奏之。擢其同族間瀨忠至為山陵奉行。西上董役。至是竣功。仍有此命。今日抄近事紀畧○三月。勅一橋慶喜。總督禁門守衛。竝指麾攝海防禦。因免將軍後見。畱之闕下。慶喜固辭不聽。○夏四月。詔家茂曰。攘夷勿變。海防勿忽。必鎖橫濱。低物價。以安民心。實美慶親之事。一切委之。當適宜處之。家茂大喜。奏新法十八條。以表尊崇之意。朝議可之。近事紀畧○德川慶恕拜正二位。蜂須賀齊裕。伊達慶邦。池田

藤田信等據筑波山舉兵

信稱小四郎東湖第

三子直諒稱稻之右衛門

三左衛門弘美

彌太郎泰尚

大納言實良

慶德鍋島齊正黑田齊溥並遷參議大成○五月將

軍家茂歸江戶○水戶藩藤田信田丸直諒等據筑

波山舉兵聚者凡五百人初齊昭拔藤田彪等釐革

藩政老臣結城寅壽等忌之欲陰陷罪誣告齊昭圖

不良幕府乃幽齊昭及彪等自是藩論兩分遂為黨

結城派曰姦黨藤田派曰正義及齊昭卒姦黨市川

弘美朝比奈泰尚等頗排正黨信等憤激相約舉事

弘美等奉幕命討之互有勝敗回天詩史○六月國

事掛一條實良奏曰嚮將軍與一橋業已奉攘夷詔

故委任舊事而未見其功將軍即知事不行則當論

長人上疏乞七卿入京

元儻稱越後

保臣筑後人稱和泉

通武初稱玄瑞後義

助號江月齋

政久稱又兵衛

弘毅稱九

之於初而入則奉詔出則忌戰臣不解其故敢辭國

事參政○二十三日長藩老臣福原元儻欲赴江戶

抵伏見藩邸姑以邸事逗撓焉真木保臣久阪通武

來島政久入江弘毅等凡四百人脫藩踵至入山崎

寶寺與元儻謀具上疏託老中稻葉正邦乞進奏之

其略曰寡君宰相父子奉攘夷勅日夜累苦盡力敵

愾數年於茲何圖去歲八月忽蒙天譴一藩驚愕不

知其何故而寡君恭謹自反憂懼待罪在苒已一年

未得仰日月哀訴路絕徒望闕號泣爾臣等跼蹐弗

自禁敢有所私願伏願復七卿官爵許寡君父子入



朝相稱信  
濃  
親施梅右  
衛門助

朝親賜勅問。則積日宸疑必釋。然足以悉其無他矣。是非曲直之所在。亦有不待辨者焉。不省。二十七日。元憫言。藩人屯山崎者。事或出詭激。且雷而鎮之。是日。來島政久以兵三百。赴嵯峨天龍寺。鼓行而西。京師騷擾。參取元治夢○七月二日。幕府遣大目附永井尚志等。於伏見。命元憫曰。宜刻三日。撤各所屯聚。束衆歸國。以待後命。苟依違不去。則奉詔追討。衆其勿悔。元憫請緩其期。不聽。既而國司朝相率兵至。曰。前日之衆。皆係亡命。故來追之。亦入天龍寺。十四日。益田親施亦奉藩命。抵山崎。鎮撫亡命之徒。而京師

薩土久雷三藩  
連署上疏議征  
討

益騷。元治夢○十七日。尹官尊融。關白齊敬。及一橋慶喜。松平直克。保科容保等入朝。軍議徹曉。時薩摩土佐久雷米三藩。連署建議曰。長人託名哀訴。挾兵擁衆。敢屯集京近。朝諭寬厚。力撫綏之。而彼乃悍然梗命。不敢退默。仰裁縱令其言。或有理要上之罪。斷可討矣。倘猶措而弗問。恐損朝威。伏乞斷然決處。分臣敢不效死力。近事紀畧有栖川熾仁親王一條實良。以下七十餘人。連署奏請曰。今動干戈。則闕下庶民。忽陷塗炭。宸慮恐不安。仰願處寬典。以許長人。請書入尊融。容保同聲曰。逆徒攜兵器劫朝廷。而戰慄聽其

大納言俊克

願朝權墜地何以振興皇威宜討之矣朝議遂決傳令諸藩部署所向元治夢物語○十八日傳奏坊城俊克等召長郎吏乃美織江傳旨慶喜亦諭織江曰汝藩久以勤王著何乃亡狀至此宜限今日撤各處屯聚而歸國以謹俟後命若猶依違乃有六師織江傳之諸營衆憤恚曰朝廷薄恩如此是皆由容保讒構宜一舉殲之以清君側矣福原元偁等百方鎮之不聽久阪通武從容獨曰且退據于兵庫待嗣君至決事未晚也今猝以兵迫闕則反名不可免而愈使奸人藉口非計之得者真木保臣怒曰大丈夫舉事豈可

長人討君側姦敗走

徒輟且機會一失竟莫再舉之期今日之事但有橫屍闕下以報主君耳衆議遂決時容保稱病請內苑凝花洞託身以兵自衛長人謀知之於是各相約將先襲凝花洞是夜三營剋期齊發事聞京師公卿諸侯皆馳赴闕閉諸門守之而伏見之捷先奏福原元偁等以夜二鼓發伏見北上至墨深大垣藩兵要擊破之飛丸中元偁肩墜馬脫身而走彥根兵追北至伏見火其邸長人盡遁近事紀畧○十九日昧爽嵯峨兵進至帷子衢分為二隊朝相自將一隊向中立賣門來島政久兒玉小民部等攻蛤門蛤門則會兵所守

長兵追凝花洞

桑名援之。開門出戰。戰方酣。長兵自指紳諸第中轉入。襲會兵後。會兵腹背受敵。不能支。會人久保田半次戰死之。元治夢物語長兵追北。直迫凝花洞。薩兵視急。橫擣長軍。會桑之兵得勢。反戰。長兵沮靡。先是朝相敗一橋兵於中立賣門。進與蛤門兵合。長軍復振。薩隊長仁禮源之丞等。縱兵襲其背。前後夾擊。政久叱咤督戰。指麾可觀。薩兵選銃手狙擊。政久傷腋。墜馬叱姪北邨武七。到已曰。勿為敵所獲。長兵大沮。先是久阪通武入江弘毅。真木保臣等發山崎。取途久世。經東寺。直造鷹司邸。自其後門入。謁輔熙哀訴。

會津兵燒京師

時越前桑名彥根兵砲擊其前門。逼之。長兵擊卻之。薩會人來援。合兵急擊。以榴彈放火。邸長兵大潰。通武弘毅等自刃死之。衆皆潰圍逃走。初長兵之發山崎也。益田親施率兵百餘以為後援。及前軍敗。保臣至山崎。諭親施走之。既而會桑兵攻山崎。保臣等焚營自殺。薩兵亦至嵯峨。長兵已遁。不見隻騎。乃焚其營而歸。元治夢物語近事紀畧會兵之焚鷹司邸也。尚恐敵兵潛匿邸第。屢肆皆燒之。南到六條。發砲燒東本願寺。而北還。初容保為守護職。加封五萬石。而以多蓄士卒。經費不給。又加五萬石。尚資用不給。士卒結黨。掠

左京亮元周  
淡路守廣篤

之聲毛利氏罪討

略豪商就東本願寺請借金二萬圓弗聽。因稱追敵延火懼之。延燒四衍。踰日不滅。京地大半為焦土。幕府給米錢慰恤。遭災者今日抄。○刺客斬殺佐久間啓。揭示其罪曰。啓與奸賊會聚。二藩謀欲移玉座于彥根。頻為密議。因行天誅。元治夢物語。○毛利元周上書曰。敝宗大膳太夫慶親。嚮使家老益田親施等。追亡命之徒。東上。意在制其變亂。何意是亦與共黨比。擾闕下。京師邸監乃美織江歸來告之。慶親父子惶懼。屏營以待。斧鉞之誅。至如犯闕罪人。既使支藩毛利廣篤拘執之。不敢少釋也。○幕府聲毛利氏罪。命削其

紀伊中納言茂承  
昭越前守茂

外艦寇長

井上馨通  
稱聞多  
伊藤博文  
通稱俊助

官爵德川茂承為大將。松平茂昭為副將。命山陽山陰西海南海二十一藩討之。尋禁有栖川熾仁親王以下七十餘人入朝。幽屏之。蓋以其庶長也。今日抄。○八月四日。英佛米蘭四國兵來寇長門。先是外國公使會議橫濱。將寇長報怨。聞征長之令下。巨艦十八艘蔽海而至。礮擊前田檀浦砲臺。臺兵拒戰。其二艦發砲指揮。餘艦輪轉進擊。彈丸震空。硝烟蔽海。日暮交綏。明日又戰。互有勝敗。會井上馨。伊藤博文。剪髮脫刀。著西洋服。歸自英國。道路側目。直至山口。謁藩主。說外國形勢。論和戰之利害。時東軍亦將逼國境。

是以藩論一變。遂決講和。乃諭虜求和。虜責去年之暴舉。長人對曰。奉朝旨。幕命爾。執證左示之。因予書。陳之。於是和成。虜艦乃去。馬關日記 ○九月十日。幕府命德川慶勝代茂承為西征大將。松平茂昭為副。如故。村林覺書 ○家茂令諸侯再質妻孥於江戶。近世事情 ○冬十月。家茂令若年寄田沼意尊以三兵隊討武田正生。正生以謙直受齊昭眷遇。及信等起事。會在江戶。頗憂其輕舉。將有處之會。慶篤請幕府遣支族松平賴德鎮之。正生即率正黨在小金原者從之。與共將入水戶。弘美等皆拒而不納。乃奉賴德走到磯濱。

慶恕改名慶勝  
再質諸侯妻孥  
幕府討筑波浪士  
玄蕃頭意尊  
伊賀守正生號耕雲齋  
大炊頭賴德

議戰守。既而襲。姦黨於磐船山。破之。殘兵退保那珂。湊。正生等又進取之。姦黨聲。正生等罪。執其妻孥於城中。盡下之獄。訴狀江戶。以甘言要迎賴德。賴德欲往。正生危疑止之。不聽。遂從數人抵城下。弘美等數賴德曰。公受鎮撫之命。而與賊何也。遂逼自殺。初。正黨之舉兵也。每戰皆克。既而有議者曰。我輩不欲與幕府戰。步兵頭平岡四郎兵衛謀知之。誘降之。於是正生欲入京。就慶喜陳情。以見兵八百突圍而走。西至美濃。路已塞。乃轉北行。抵越前。先是慶喜聞正生等將至。奏請自討之。將兵抵海津。加賀藩兵為其先。

水戶姦黨逼大炊頭自殺

殺武田正生等

征西總督抵廣島

鋒。正生乃貽書願假道入京。不肯。上書慶喜乞哀。亦不聽。正生等窮蹙。不知所出。走投加賀。出書乞降。且請除賊名。加賀藩報狀幕府。幕府命幽之。敦賀。明年二月。斬之。常野紀聞近事紀畧○十五日。征西總督德川慶勝等。以士卒一萬七千發京師。○十一月十六日。慶勝達廣島。將以十八日進攻。傳令諸軍戒戰期。先是。自京師之變。長人分為二黨。議恆不合。相目為俗黨。激黨。激黨嘗奉慶親父子于山口城。城壘堅固。造築倣西洋之制。欲嬰守以抗東軍。奇兵隊援之。奇兵隊者。高杉晉作所創編。晉作謂肉食者不堪事。兵何問士。

淡路守廣篤

讚岐守元純

隼人正正肥

庶。不論貴賤。惟其強勇。收以充行伍。餼廩優厚。撫御有方。故兇險亡賴之徒。亦遵其約束。樂為之用。精銳冠諸隊。至是。毛利元周。毛利廣篤。毛利元純。及吉川經幹。入諫慶親父子。父子入萩城。屏居寺院。先鋒隊五百人護送之。奇兵隊撤守。退三田尻。經幹等更毀國內砦柵。邸宅皆閉門。以表畏慎之意。遂斬福原益田國司以下十餘人。使志道安房齎首抵廣島。慶勝宰成瀨正肥等。蒞國泰寺。檢之。於是慶勝傳命止攻。擊約以四事。曰。毀山口城。曰。出五卿。曰。慶親父子來謝罪。曰。鎮激論者。經幹至廣島。啓曰。四事謹奉。命慶

鎖港使歸朝

慶應元年  
元治二年  
四月七日  
改元  
高杉晉作舉兵

勝乃奏長人伏罪狀傳命諸藩班師近世事情○十  
 二月幕府拘五卿於太宰府命薩摩肥前肥後筑前  
 久留米五藩監護之先是錦小路賴德病死澤宣嘉  
 出寓他邦故不及近世史畧○是秋池田筑後等歸自佛  
 蘭西初鎖港之議決也幕府遣使於各國說之筑後  
 等先至佛具叙國命佛人不答筑後等觀其交際之  
 盛直還陳其不可說家茂責辱命罰罷其職近事紀畧○  
 慶應元年丑春正月大軍旋至大阪慶勝入朝奏功  
今日○長人高杉晉作等舉兵於赤間關殺棕梨藤  
 太財滿新三郎等十二人初晉作之亡走也竄在筑

毛利讚岐守

晉作奉慶親于山口

前深愠俗黨之爲及聞益田等遭殺益不勝憤欲排  
 俗黨甘心潛還赤間關傳檄募兵奇兵隊久失志於  
 是四方響應相聚者凡五百人乃略赤馬關獲糧仗  
 率兵薄萩城俗黨大驚告變幕府擁慶親父子于城  
 傳令國中禁賣衣食於激黨粟屋帶刀將兵邀戰不  
 利連鬪三日退保城激黨乘勝攻拔之毛利元純等  
 居間講和晉作等乃斬藤太新三郎以下數人徇之  
 山口城請慶親父子再移之大議曰幕府之嫉我非  
 一嚮三人首未慊其意況吾輩今日之舉益足以激

豐後守正  
秀伯者守宗

保科容保勸幕  
府再討毛利氏  
和泉守忠  
精

其怒大軍再至。傳指可待。願與諸君戮力以當之上。雪吾主公誣枉之辱。下慰死者冤魂。衆皆踴躍從之。今日抄其○二月。老中阿部正者。本莊宗秀共入京。師奏請七事。天皇宸怒。勅關白齊敬。召詰之。正者等惶懼不能對。乃命正者東下。促家茂入覲。宗秀退居大阪。○三月二十九日。幕府議長防處分。決將軍親征。老中水野忠精。召容保臣曰。嚮肥後守數遣使勸大樹親征。吾曹柔懦不能決之。而今日決之。偏是由肥州誠忠之所感也。速奏上之。今日抄○京師之變。薩人極力擊長。多獲其長。既而慨然悔非善視長之俘。

慶勝呈書諫征  
長之非

禮而還之。西鄉隆盛亦密遣使通好。長人不聽。土佐人阪本龍馬適在長。亦贊成其和。於是薩長釋怨。而朝廷幕府皆不知也。近世史畧○夏四月。家茂下令天下。曰。慶親不悔過悛行。更有非常之計。予將奉詔親征之。沿道諸藩。其整衆以俟命。乃部署所向。因屢調兵。駒場野。德川慶勝聞之。呈書家茂曰。長事嘗既釋矣。今殿下親征之。慶勝未知其又何罪也。不獨慶勝爲然。洎洎者皆是。然則其果有罪亦屬曖昧。天下其孰喜討之。殿下則強舉大兵以征之。恐衆心由是離而宗家隆替之機於是決矣。願熟計之不聽。勝安芳亦



家茂帥大軍發江戶

紀伊中納言茂承  
尾張大納言茂德  
和泉守忠精  
伊豆守崇廣  
周防守康英  
雅樂頭忠績  
安藝守茂長

諫以師無名。大老酒井忠績等以為沮軍，怒黜之。近世  
○五月十六日，將軍家茂發江戶，海道西上。德川  
茂承將前軍，德川茂德將後軍，自餘諸侯皆屬中軍。  
老中水野忠精、松前崇廣、松平康英等皆從。兵凡若  
千萬，時謂之御親伐。茂德初命將前軍，請而在後軍。  
後又辭歸，與酒井忠績等留守江戶城。近事○毛利  
慶親父子及支藩連署遺書淺野茂長曰：某等無似，  
不敢自揣，欲効犬馬之力，以慰聖天子旰食之憂。一  
旦顧為奸邪小人所構陷，自以不臣，既一蒙大軍臨  
伐，忍辱含垢，引罪誣伏，而後得釋，乃今將軍復親來

河瀨太宰圖刺將軍不果

討。是其意欲必見某等血骸而後已也。某等何肯辭  
死，惟欲得與一快戰，然後斃耳。而家庭故事，戰必奏  
之天子，故敢煩執事。以上聞。近世事情續○閏五月，  
聖護院舍人河瀨太宰，膳所人也。寓園城寺，潛通長  
人與其黨二十餘人，欲待家茂次膳所圖之。事發被  
執，其妻聞之急，取其簿書盡投之火，然後自殺。黨與  
繫獄者十餘人。家茂及過膳所，猶慮其變，轉次大津。  
二十二日，家茂入京師，即日入覲。上曰：汝宜駐京阪  
間，按長防之事，以公平至當處之，必勿輕舉焉。家茂  
奉旨出赴大阪城。今日初，家茂之發江戶也，會淫霖

圖書頭長  
行改壹岐  
守

家茂上奏

彌旬河水漲溢往來不通人馬填咽比驛後發者歷  
五旬始達大阪近事○秋九月家茂入朝尋入大  
阪城小笠原長行復為老中今日抄○英米佛蘭四國  
兵艦八隻來兵庫請開兵庫港曰苟速不決則直至  
京師辨之刻日而逼而防長之衅方開內外切迫家  
茂大憂於是稱疾辭職欲使慶喜為將軍上表請之  
竝建白意見乞開港勅允近事○冬十月家茂俄發  
大阪至伏見欲得命東歸在阪諸將士視急爭從道  
路騷然時慶喜在京師聞之大驚即夜與容保等單  
騎馳至伏見諫止之尋慶喜容保長行等連署上疏

條約勅許成

掃部頭直  
憲  
式部大輔  
政敬  
主水正尚  
志  
贈書按問長門  
疑事

村田藏六  
後改稱大  
村益二郎

請條約勅允以申家茂之意朝議不得已從之乃勅  
許開港條約更正舊約仍不許兵庫之乞近事○詔  
家茂力疾復視事近事○十一月家茂以井伊直憲  
柳原政敬為中軍先鋒永井尚志戶川鉸二郎副之  
共抵安藝有所鞠問召長人不來因舉疑事八件令  
藝藩傳之曰聞慶親父子親出鎮黨人之爭自囚待  
罪者之為宜如此邪曰變既鎮則父子宜仍在萩而  
擅徙山口且巡按封內何歟曰曩者命毀山口城今  
復擅修築設守備如何曰使家人接蕃客於赤間關  
有諸曰今春典賣火船於外國村田藏八印其沽券

森寺常德

他人亦與蕃客言事甚背法曰買大小砲何也曰移五卿於筑紫也遣使饋遺之森寺大和守為來謝踪迹彰著曰召元周經幹於大阪一人託事辭之而召他人亦不來不敬甚矣速來對之長人亦裁書對曰寡君父子自囚固在寺院聞變令人鎮之耳曰固欲待罪於款也臣民聞大軍之來危懼不可諭徒山口實出不得已巡按封內則無之曰山口則昔東照公有遺旨不可聽荒蕪故且芟草夷地既而思前命不復舉手何況設守備乎曰外夷之入國人所痛憤然不給其欠乏則寇故謹遵府旨謀無事曰我船損壞

長人貽書分疏  
疑問

侍從宰相  
雅典

捨之有人航海典賣非命家臣售之也如夫藩人之於夷憎之特深孰肯與之言曰無有買砲事曰聞他藩人有隨五卿行者吾則不自救況遑恤諸卿乎抑何大和守之來謝曰諸人固將應召而其臣民咸謂是春幕府聽武田耕雲齋降服而斬之我亦東者必死遂強留之耳尚志乃還大阪今日抄某氏日記續皇朝戰畧編○  
二年丙寅春正月二十一日老中松平宗秀小笠原長行與共入朝奏言數召長人不至答言亦悖逆多矣因決議出師傳奏飛鳥井雅典等傳旨曰毛利氏自祖先有勤勞王家因欲處寬典縱令今奏出軍尚宜

廣島為總督府

體朕意矣。長行對曰：謹奉勅旨，雖然彼復抗命直伐之。今日抄。○二月三日，老中小笠原長行、大目付永井尚志、目付小林甚六郎等，抵安藝，召慶親父子及支族。時置牙營於廣島，為總督府近世事情。○四月，薩人上疏曰：嚮尾張大納言督軍西下，以長事可恕，奏而聽其謝罪矣。然則今將軍之再征之，所謂無名之師是也。夫兵凶器，而征伐實國之大事，豈可濫用安舉，以竟無名哉？故兵賦之徵，臣不能從令，謹以聞。尋遣大久保市藏詣大阪，諫老中，請罷師。伊達宗城亦白家茂曰：未審長之罪更何如，請得明之，而後出軍。淺野

市藏後改利通

備後介初稱山縣半藏名璣字士衡號潮坪素太郎後改相取素彦豐浦藩毛利伊織德山藩福間式部清末藩平野鄉右衛門岩國藩今田鞠負

茂長亦遣辻宗正詣大阪，請遣使長門講和，皆不聽。今日抄。○二十三日，長藩老臣穴戶備後介、小田村素太郎與支藩使者毛利伊織等偕至廣島。初長行之召長人也。以三月十五日期之，及期不至。更期四月廿一日，曰：再愆之，有進討。且曰：將特還汝江戶邸之侍，宜來受尋遣使往岩國促之。於是本支五藩各遣其臣，長行召備後介欲傳幕旨，備後介以瘧不出。命素太郎獨入受命，素太郎以不能專對謝之。○五月朔，老中長行、大目付尚志等，莅國泰寺，召毛利伊織等，傳命曰：慶親父子雖嚮誅罪人，恭順謝罪，統御失

小五郎後改木戸孝九

長門亡命侵畧倉敷

道罪不可追。今奉朝旨處以三事。曰削封十萬石。曰禁錮慶親父子。使孫興丸承後。曰絕三罪臣之後。及執高杉晉作。桂小五郎等十二人。致之。且戒曰歸告。乃主。剋本月二十日復命。伊織等去。今日抄某氏日記先是長人屯其南境者。立石孫一郎等百餘人。亡命侵掠。備中倉敷。倉敷代官櫻井久之助。適出在外。孫一郎等縱火官邸。殘害吏民。進鈔掠淺尾。松山岡山兵赴援。擊走之。奇兵隊長憂其輕躁。追之不及。因貽書。藝曰寡君嘗既謝罪。爾來闔藩。日望恩裁。而未得命。及至近日。大兵壓境。臨之。雖未悉其故。而國情疑懼。前

拘畱備後介等於軍

日境南之民。執兵亡命。不知所之。是亦恟恟之餘。狂蹤乃爾。如或走入貴境。幸執捕之。無使弊邑累罪。孫一郎倉敷人。嘗與代官久之助。爭事不勝。因為其報。長人逮捕數其罪。斬之。近事紀畧參取今日抄倉敷日記○八日。長行發兵。圍備後介素太郎逆旅。就擒一人。拘畱於軍。蓋以疑倉敷之變。一人倡之也。乃令諸軍作進討之備。○伊織等至高森。而畱託藝人反告曰。削封廢立之命。已傳播國人。危疑途梗不通。令曰不容復命。後期。直行諭國人。其不肯者。討而開路可也。尋支藩託藝請曰。宗家得嚴譴。使臣亦見拘。國事紛紜。未有由

復命願少緩期不許。後復託於藝乞返備後介等亦不許。時慶親徇幕府罪命於國。國人憤恚益決戰志。吉川經幹復呈書曰。國情恟恟。說諭甚苦。請緩復命。期長行不得已許之。更刻其期。然而復命之使卒不至。近世事情續編○十三日。家茂命水野忠精與英佛米蘭四國定改稅條約十二條。類纂○六月。幕府進兵於長防四境。步騎砲三隊及紀伊彥根高田兵自安藝鳥取松江濱田福山紀伊兵自石見肥後柳川小倉兵自豐前。海陸竝攻。別以松山兵海路攻大島郡。砲擊燔其聚落。長人不應。東軍上岸。所過抄掠。既

定英米佛蘭改稅條約

東軍進長防四境

而長兵以海軍來戰。殺傷相當。長人設伏挑戰。佯敗而退。東軍乘勝追北。伏兵四起。東軍大敗。棄糧仗乘舟而走。松山將佐久間一學等死之。東軍收敗兵夜遁。時由藝進者。高田彥根兵已逼國境。小瀬川。太田市之進。石川小五郎等率兵八百潛亂。上流襲東軍。後別出兵狹擊之。東軍棄砲敗走。長人尾擊。進入藝境。取大竹小方玖波。隔四十八阪。以扼要害。東軍退陣大野。長人遺書彥根高田陣曰。公等不武。甚不類乃主祖之驍勇。前日之戰。我殲之。易易耳。且為德川氏釋之矣。不寧惟是。所獲俘囚亦當盡還之。獨至器

長人遺書彥根高田陣嘲不武

械重荷厚遺斥之近不恭請再來戰以力取之乃每  
 俘與金五兩放還又揭榜大竹玳瑁戰址示土人曰  
 嚮數託乃主淺野氏有所告訴而將軍不納及軍臨  
 境又拘執我使臣殘虐亦已甚今吾欲奪我使臣以  
 直詣闕有所請故且借地茲邑非敢攻略之也吾固  
 欲秋毫勿犯而禍變被及深為汝邑人哀之將優有  
 救卹幸勿憂苦自石見入者軍雲雀當麻二山置福  
 山濱田別隊於益田進攻有期而長將井上馨大村  
 永敏率兵二百襲之東軍潰敗濱田將山本半彌死  
 之長兵略益田又進取當麻橫擊雲雀山松江兵沮

馨稱聞多  
 永敏稱益  
 二郎

濱田城陷

松平右近  
 將監

山縣有朋  
 通稱狂介

走退保濱田城長兵乘勝追擊涉周布川攻濱田城  
 東軍又潰敗監軍三枝刑部死之濱田兵自焚城遁  
 城主松平武聰率其族航走出雲東軍悉退長兵遂  
 取大森代官廳散積聚以給土人土人屬心於是石  
 見至為長兵所略有時向豐前者長行臨而督之將  
 縱兵襲赤馬關高杉晉作山縣狂介等以兵艦三艘  
 先來攻田浦小倉將島村靜馬拒戰甚力長兵縱火  
 田浦鈔掠而去途砲擊門司關燒民舍既而小倉兵  
 退屯大里長人隨攻之大里不守近世史畧續先是皇朝戰畧編  
 佛軍艦自橫濱赴長崎途過赤馬關脅長人曰我國

佛人受幕府密囑脅說長

已與日本政府盟。故政府所討。我不得不援。子等熟計之。今將赴長崎歸路。得報約期而去。長人議曰。內地之事。何關外人。宜先彼來歸。舉事遂燔略小倉地。至是佛人來讓。長人答曰。東軍屠我大島。多殺亡辜。而小倉負鄰好。啓東軍。我惡坐受兵聽其橫逆乎。會英人來勸解之。佛艦乃去。佛人蓋受幕府密囑也。近世

史畧近事紀畧 ○老中松平宗秀在廣島。以獨裁釋宍戶備後介等。放還之。德川茂承聞之大怒。報狀大阪。且乞解總督之任。家茂慰諭不聽。乃召宗秀對曰。臣行祕策。而不啓事。由督府讓臣。宜矣。臣探索軍情。恐戡定

宗秀放還備後介等

伯耆守宗秀

白耳義伊太利二國條約成

長人貽書於薩人

無期。故鄙心自斷。授旨備後介。放之。庶幾足少殺敵鋒焉耳。因上書請罪。乃褫宗秀職。幽之大阪。近事紀畧 ○二十一日。定白耳義條約。二十三條。貿易章程七則。○七月十六日。結伊太利條約。二十三條。定貿易章程六則。條約類纂 ○長人貽書薩人曰。東軍四面環攻。不得止出兵。應之。遂進借地鄰境。頃日松平伯州察我情。放還我使臣。是或有意寬假弊邑也。而恩命未及。攻伐將復加。不任恐怖之至。嗚呼。孰忍重騷擾皇國。倒懸萬民乎。雖然。弊邑之民亦何限。苟不得其處。亦不得不黽勉從事於戰。大國之於幕府。所謂明良值



遇是也。何言而不聽。何請而不從。幸為弊邑垂哀處之。薩人傳檄。謀之列藩。凡三十六家。曰長防士民。賴弊邑哀憫。其情可憐。而今日之勢。為之救解。似有嫌疑者。然武門之誼。見厄窮。不可不救。各藩以為何若。熊本佐賀津久留米澤柳川忍等。皆謂將軍此舉。奉天子明詔。吾儕何得私救。應長州乃島津茂久。久光連署上奏曰。內憂外患。竝臻國步之艱。莫甚於今日。蓋自外事起。十年于茲。國是不定。皇威陵遲。凡志士孰不切齒而慨嘆之。是以二三列藩。夙倡大義。誓欲為邦家。攘其禍患。以安陛下宸憂。糜其材用。亡其

島津茂久等為  
長人哀奏

德川慶勝

士臣者。不可勝數。然而幕府失其政。內亂荐起。干戈相尋。今也將軍率大軍在大阪。臣謂遠近於是當嚮風而鄙商賤民。猶且犯法咫尺之地。不知畏憚。何況長防數百年。响濡生聚之士。欲威懾之。抑亦難矣。雖然。是豈彼之頑陋。兇悍。輒爾乎哉。曩者尾張前大納言臨境。諒恕而處之。二國貼然也。今將軍之征伐。則不然。二國所訴。一切卻而不納。召其重臣。至則拘執。曰背命也。曰抗上也。重負奉詔之名。曾不遵陛下寬仁之旨。抑壓箝制。靡所不至。且如大島郡之舉。事誠類海賊。不直激長人之怒。實辱大體。可勝慨哉。伏願

長人上奏

以天地覆燾之仁。恤二國不吊之民。○長人再託薩人奏曰。長防士民昧死上表。寡君慶親父子多年效力於王室。霸府謬蒙陛下寵眷。又受將軍委託。不敢自寧處也。何意一朝錄名罪籍。弗獲宥釋。大兵連再臨境。野人惶惑。不知所厝。伏惟天日照明。雲霧蔽之下土之雷雨。上天必不知之也。何以言之。歲之癸亥。天詔刻日。攘夷而幕府不肯奉行。罔上欺下。變詐亡測。故今日之事。亦出將軍之誣枉。而非陛下勸念彰彰乎。明矣。嗚呼。堂堂天朝。獲幕府之侮蔑。欺蔽如此。此則君而辱莫甚焉。臣民如何辭死。故陪臣敢抗拒。

小笠原長行走  
長崎

小倉城陷

近江守貞  
正

東軍不惜身命。亦所以少為陛下盡力。非毫有逆朝廷之心也。鬼神森列在側。豈肯容詐。伏願賜明鑒。薩人具疏附奏之。近世事情續○長兵既拔大里。進與熊本小倉兵戰。小倉不利。熊本力拒奮戰。赤迫長人多死。赤馬關之軍聞急。赴援勢復振。砲擊數合。日暮交綏。長人次大里。熊本柳川皆引兵歸國。長行倉皇走長崎。長兵乘勝追擊。小倉孤立。○八月朔。小倉人自放火城。遁于香春。長兵窮追。小倉日困。後乞哀。肥薩肥薩遣使於長。慰解之。長人要誓。小笠原豐千代丸及支族連署作謝狀。附之。長人纔去。近事紀畧○二日。

將軍家茂薨

詔旋西征師

東軍踰四十八阪海陸並進攻玖波小方長人邀戰砲聲震天會霖雨泥濘進退頗艱長人以散兵進擊自已至西東軍左甄先敗長人乘之東軍卒潰退入大野八日長人襲大野是日大風屋瓦皆飛東軍氣沮不戰而走退入廣島長人拔大野進向廣島諸藩稍稍引兵歸國慶喜奉詔代家茂往視師將發續皇朝戰畧編近世史畧○二十日將軍家茂病薨于大阪城賜諡曰昭德院實七月二十日薨以沮軍機祕喪至是慶喜發之因賜諡號今日抄稻葉正邦護柩歸江戶葬增上寺詔贈正一位太政大臣近事紀畧○二十五日詔旋西

一橋慶喜入嗣宗家

真臣稱兵介

慶喜為將軍

大和守實

陽曆一月三十日

征之師令一橋慶喜入嗣宗家慶喜遣勝安芳於廣島喻長人解兵長人不肯廣澤真臣井上馨切諭乃奉命越五日長軍去廣島西事始平西事之起也家茂閱兵吹上金扇馬標自毀其兵之發大阪也旃竿又折時人以為凶兆果東軍不能奏一捷自是諸藩多不受幕府節度某氏日記近世史畧○冬十月榎本武揚等乘開陽艦自荷蘭歸近世事情○十二月詔德川慶喜為征夷大將軍叙正二位任權大納言近事紀畧○慶喜遣小出實等於魯議樺太境界終約彼我人民雜居而歸近世事情○是月天皇患痘瘡二十五日崩壽三十

關巴各育

二反

卷之二

八十二 高松藩

六。慶應三年正月葬。後月輪東山陵。諡孝明天皇。御譜  
 天皇資性剛明。每憂皇室陵替。勵精圖治。紀綱大張。  
 及外事起。益惱宸襟。開學習院。令諸侯建言。幸八幡  
 加茂。祈舉膺懲兵。又御中庭。斷食坐薦。禱以身當國  
 難。七日。內大臣實萬。恐毀傷玉體。且招東人之疑。諫  
 之。不聽。賜勅始末不幸短祚。齋志而崩。百姓哀慟。如喪考  
 妣。近世事情

國史略卷之六終

終

